

ნაკადული № 11
მუხრანულთათვის



აკაკის დღესასწაულის სახსოვრად

შინაარსი

| | |
|--|----|
| I—* *—ლექსი, შ. შდუამელისა | 3 |
| II—აკაკი წერეთელი.—ვიხისა | 5 |
| III—მოგონება აკაკის შესახებ.—ნანო ნაკაშიძისა | 16 |
| IV—მოგონება აკაკის შესახებ.—ცქვიტასა | 21 |
| V—ერის დიდებას აკაკის.—ლექსი, დასრისი | 25 |
| VI—ლამურა.—აკაკისა | 26 |
| VII—ილექსი.—(ხდაზარი ემაწვილებისათვის) აკაკისა | 33 |
| VIII—სიზჰარი —(ე. ქ. შ.) აკაკისა | 57 |
| IX—მერცხლისა და ქივჭავის ომი.—აკაკისა | 50 |
| X—შიჯაქვეული ამირანი.—ლექსი, აკაკისა | 63 |
| XI—ვარდი და ეკალი.—აკაკისა | 64 |
| XII—გამოცანები | 70 |
| XIII—რებუსი | 71 |



ნაკვეთი

№ 146066
საქართველოს
საბჭოთავო



219.

დადას...

ელექტრონის სტამბა წიგ. ვაშლიძე ქართუ...



შინაარსი

| | |
|---|----|
| I—* *— <u>დექსი</u> , შ. მღვამელისა | 3 |
| II—აკაკი წერეთელი.— <u>ვინისა</u> | 5 |
| III— <u>მოგონება აკაკის შესახებ</u> . — ნინო ნაკაშიძისა | 16 |
| IV— <u>მოგონება აკაკის შესახებ</u> . — ცქვიტისა | 21 |
| V— <u>ერის დიდების აკაკის</u> . — დექსი, ღარიასა | 25 |
| VI— <u>ღამურა</u> . — აკაკისა | 26 |
| VII— <u>აღდექი</u> . — (ზღაპარი უმაწვილებისათვის) აკაკისა | 33 |
| VIII— <u>სიზმარი</u> . — (ვ. ქ. შ.) აკაკისა | 57 |
| IX— <u>მერცხლისა და კიეკვივის ომი</u> . — აკაკისა | 50 |
| X— <u>მიჯაჭვეული ამირანი</u> . — დექსი, აკაკისა | 63 |
| XI— <u>ვარდი და ეკალი</u> . — აკაკისა | 64 |
| XII— <u>გამოცანები</u> | 70 |
| XIII— <u>რებუსი</u> | 71 |



*
* *



ხედავთ, ბაღღებო, ან კარა
წყალს კლდიდამ გადმომდინარსა?
ხან აღქაფებულს, მრისხანეს,
ხან დაწყუნარებულს, მცინარსა?
ჩამორბის, ჩამოკამკამებს
და სალამს აძლევს სერებსა,
დაბლო ღიმილით უმზერის
მწვანე კორდიან ველებსა.

პაწია, ქორფა ყვავილებს
ჩაუვლის, ჩაუღიღინებს,
ზოგს ქოჩორს გადაუვარცხნის,
ზოგის კალთაში იძინებს,
რომ ცოტად მოსვენებულმა
შორი გზა კვალად განაგრძოს,



ახლა ეწვიოს სხვა კუთხეს
 და ისიც გააღამაზოს.

როდესაც ცვირი და ნამი
 ცისა ზედ დაემატება,
 ის მაშინ მაღლით აღვსილი
 გზას უფრო გაემატება.

მიდის და მიდის უღლელად
 მისჩქეფს წინ, მიუხარია,
 იქ ეტანება, სადც უფრო
 კორდები გადამწვარია,

რომ ცოცხალ-მკვდარსა ესხუროს
 მკურნალად მიესაღბუნოს
 და მათი გამოცოცხლება
 თავის გულს წილად არგუნოს...

ის კლდე—აკაკის გულია,
 წყალი—ლექსები მჩქეფარე,
 ზოგი ტკბილი და სათუთი,
 ზოგი მკვეთრი და მგრძნებარე,
 და ყვავილები—თქვენა ხართ,

მის უკვდავება შვილები

რომ დგებართ მის წინა

დღეს კობტად ჩაკვანწილები.

თქვენ გიმღეროდათ დღე-მუდამ,

თუმც იყო მტრისგან დევნაში;

თეთრი ქაღარა დაერთო

თქვენს აღერსსა და ხვევნაში.

ახლა კი თქვენი ჯერია,

უმღერდეთ მრავალ-გამიერს,

რომ გვეყავდეს დიდხანს ნუგეშად

ყველა იმ ერს და ამიერს.

შ. მღვიმელი





აკაკი წერეთელი

მელს, ქრისტეშობისთვის, ჩვენი საქართველოს თვით-
ული კუთხე დიდის ალტაცებით დღესასწაულობს ჩვენი
სახელოვანი მწერლის, აკაკი წერეთლის მოღვაწეობას.
მთელი ქართველობა ემზადება, მადლობა შესწიროს
გამოჩენილ თავის მწერალს ორმოცდაათი წლის მუ-
შაობისათვის და მის პატივის საცემელად აღნიშნოს
ეს დღე განსაკუთრებულის დღესასწაულით.

ვისაც-კი რამე წაუკითხავს ქართულად, ყველამ იცის
ვინც არის აკაკი. ყველგან და ყოველ ოჯახში იციან, ვინ
არის აკაკი და რითაც არის შესანიშნავი, მაგრამ მაინც სა-
კიროდ მიგვაჩნია ნაკადულის მკითხველებს გაეაცნოთ მოკ-
ლედ ამ მოღვაწის თავგადასავალი.

აკაკი დაიბადა ზემო იმერეთში, საწერეთლოში, სოფელ
საჩხერეს 9 ივნისს 1840 წელს. იმ დროს იმერეთში ჩვეუ-
ლებად ყოფილა შემოდებული ბავშვების „გაბარება“ ანუ
„გაძიძავება.“ „მეფეები და მთავრები ერისთავებს აბარებდნენ
და აზრდევინებდნენ თავის შვილებს, ერისთავები და დიდე-
ბულები—აზნაურებს და აზნაურები-კი გლეხებს; უფრო ხში-
რად-კი თავადებიც გლეხებს აზრდევინებდნენ.“ ამნაირად პა-
ტარა კაკოც (აკაკის ბავშობის სახელია) გაუბარებიათ სო-
ფელ სავანეში ძიძასთან ეს სოფელი იქვე საჩხერესთან მდებარეობს, სულ ნახევარი საათის სასიარულოზედ. ხან მშობლები
ნახულობდნენ თურმე პატარა კაკოს, ხანაც თითონ ძიძას
მიჰყვანდა იგი დედ-მამის სანახავად სასახლეში.

ეს ჩვეულება ბევრს შეიძლება უცნაურად ეჩვენოს, მაგრამ თითონ აკაკი ეხლაც ძალიან მადლიერი არის ამისი. „თუ კი რამ დარჩა ჩემში კარგი და კეთილი, უფრო იმის წყა-



აკაკი

ლობით, რომ მე სოფელში ვიყავი გაბარებული და გლეხების შეილებთან ერთად ვიზრდებოდი“ — ასე ამბობს აკაკი თავის თავგადასავალში, სადაც თავის წარსულ ცხოვრებას დაწვრილებით მოგვითხრობს.

ამ თხზულებაში დაწვრილებით მოგვითხრობს აკაკი თავის ბავშვობის ამბავს. აქ სხვათა შორის სიამოვნებით იგონებს აკაკი სოფ. სივანეს: „აქ ავიდგი შე ფეხი, აქ ამოვიდგი ენა და აქედგანვე იწყება ჩემი მახსოვრობაც. თვალწინ მიდგია ისლით გადახურული ხის სახლი წინა და უკანა კარებით, უფანჯრ-



უსარკმლო, მხოლოდ ორი საკვამლოურით, ანუ „სათაფურით“, საიდგანაც კვამლი გადიოდა და სამაგიეროდ სინათლე შემოდებოდა. შუა კერაზე, მხარ-თეძოზე წამოწოლილი, დევივით, იღვა დიდი უზარ-მაზარი ჯირკვი და გაუსხლეტლად, ზამთარ-ზაფხულ ცეცხლი გუზგუზებდაო“...

გლეხის ოჯახში, სადაც ყველანი მუშაობენ დილიდგან საღამომდე და საქმეც გამოუღვეველია, პატარა კაკოც, სხვა ბავშვებთან ერთად თვალყურს ადევნებდა მუშაობას და თითონაც მონაწილეობას იღებდა ამ მუშაობაში. „ხუთი-ექვსი წლისამ ძალიან კარგად ვიცოდით — ამბობს აკაკი — თუ როგორ უნდა პირუტყვის ყურის-გდება, ფრინველის მოვლა, სადილვახში მზადება, გაცრა-გამტკიცვა, გამოცხოვა, სხვადასხვაგვარ შექამადის მომზადება. შესწავლილი მქონდა, თუ როდის და როგორ უნდოდა: ხენა-თესვა, თოხნა, მკა, სხვა, ასე რომ ჩემი შესაფერი ხელ-საწყო რომ მქონებოდა, ყველაფერს მოვახერხებდიო.“ ბოლოს მატყლის ჩეჩვაცა და ბამბის პენტვაც-კი უსწავლია.

პატარა ტოლ-ამხანაგებში „თავისუფალი,“ „შველივით მონავარდგ“ კაკო მზიარულად იტარებდა დროს. „შინ დარჩენა ჩემთვის დასჯა უყო — ამბობს თავის მოგონებაში — მიყვარდა ყანებში სიარული, სამწყესურში წასვლა, მინდვრად და ტყეში; იქ დარჩენა ჩემთვის სამოთხეში შესვლა იყო. გათენდებოდა თუ არა, უქუდო, ფეხშიშველა გავრბოდი მწყემსებისაკენ და დაღამებამდე იქა ვრჩებოდიო.“ ამიტომაც აკაკი მოხუცებულობის დროსაც-კი დიდის სიამოვნებით იგონებს თავის პატარაობას და ამბობს: „ექვსი-შვიდი წლის ნამდვილი ბუნების შვილი ვიყავი: ტან-მრთელი, მალხაზი, კეთილი, ყველას მოსიყვარულე და თავისუფალი, როგორც სამოთხის შვილიო. დიად, სანამდი სოფელში ვიზრდებოდი, სრულიად ბედნიერიც ვიყავი, თუმცა ხან-და-ხან, კვირაში ერთხელ, თუ ორჯელ ჩემს ბედნიერებას შეაფერხებდნენ ხოლმე სასახლიდგან ჩემ სანახავად გამოსულებიო.“

იმერეთის მთავარს მღვდელმთავარს ხანა მალე შეიცვალა აკაკისათვის. იგი სოფელს გამოათხოვეს და სასახლეში წაიყვანეს, „სადაც სულ ახალი ცხოვრება“ უნდა დაეწყო და სულ ახალ წესებს უნდა შესჩვეოდა.

აკაკის დედ-მამის ოჯახი ძველებურ თავადიშვილების ოჯახს წარმოადგენდა. აქ ყველაფერი განსხვავებული იყო, ცხოვრებაც და წეს-რიგიც.

ამ ახალ ცხოვრებას უნდა შესჩვეოდა ჩვენი პატარა აკაკი, რომელიც სულ სხვანაირად იყო გაზრდილი.

აკაკის დედა, ივანე აბაშიძის ქალიშვილი, დარეჯან ბატონიშვილის შვილის-შვილი იყო. როდესაც იმერეთში იჯანყება მოხდა რუსების წინააღმდეგ, 1820 წელს, ამ იჯანყების მეთაურობისათვის ივანე აბაშიძე მოჰკლეს ახალციხეს, ყველაფერი აუწიოკეს და ცოლშვილიც ტყვედ წაიყვანეს. ამ ტყვეობიდან დაიხსნა აკაკის დედა გურიის უკანასკნელმა მთავარმა, მამია გურიელმა, რომელიც მას ბიძად ერგებოდა დედით. ამ დროს აკაკის დედა, ეკატერინე, 12 წლისა ყოფილა. ჯერ ტყვეობამდე დარეჯან-ბატონიშვილი ზრდიდა ეკატერინეს, მერე-ეკი გურიელმაც დიდი ყურადღება მიაქცია და კარგი შინაური სწავლა მიიღებინა. სასახლეში მყოფ ფრანგის პატრების დახმარებით, აკაკის დედას ბევრი რამ შეუესწავლია. როგორც თითონ აკაკი თავის მოგონებაში ამბობს, ყველაფერი ზედმიწევნით სცოდნია: „კარგი მწიგნობარი, მეოჯახე, მოხელსაქნარე და კარგი აღმზრდელი, თანაც ცნობის-მოყვარე და შრომის მოყვარე იყო“. სხვათა შორის სცოდნია კარგად მეურნეობა და ექიმობაც. ხასიათით ყოფილა მეტად „მოყვარული, ჩვილი გულის“, გულკეთილი და ყველას შემბრალები. დიდის ყურადღებით შეუდგა აკაკის დედა თავის შვილის აღზრდას, ის იყო პირველი მისი მასწავლებელი, და უმკვლელია ამ აღზრდის კვალი სამუდამოდაც დაეტყო აკაკის მომავალ ცხოვრებას, მის ხასიათს, ზნესა და ჩვეულებას.

აკაკის მამა, როსტომ წერეთელი, სულ სხვა ბუნების, მიმართულებისა და ხასიათის ყოფილა. ადრე დაობლებულ, დედის-ერთა როსტომის ბიძები გადავარდნილი ყოფილან და იმერეთის უკანასკნელ მეფეს სოლომონს ჰხლებიან. სოლომონი იმერეთის სამეფოს წართმევისათვის დიდხანს ებრძოდა რუსეთის მთავრობას, რომელსაც თვითონ სოლომონის დაახლოვებულნი პირნი ეხმარებოდნენ. სხვათა შორის შეტად ერთგულ სამსახურს უწევდა ამათ სახლთუხუცესი ზურაბ წერეთელი, რომელიც ყველას, ვინც სოლომონ მეფის ერთგული იყო, სდევნიდა და ანადგურებდა. სწორედ ამ ზურაბ წერეთელმა დაიბრძუვა და ააწიოკა პატარა როსტომიც. «ამიტომაც როსტომი შინაკაცად იყო გაზრდილი და მხოლოდ ის იცოდა, რაც დედას ესწავლებინა; თვითნებობა და ახირებულობა ზნედ ჰქონდა გადაქცეული. ბუნებითად ნამეტანი გულ-კეთილი იყო, შური და ბოროტება არ ესმოდა, რა იყო, მაგრამ ერთ უბრალო რამეზე უცბად იცოდა გულის მოსვლა, თუმცა მალევე გადაუვლიდა. ძლიერი გონების კაცი იყო, მოსწრებული და ენა-მკვერი, თუმცა კი ხშირად ენა-მწარეცო—ასე აგვიწერს აკაკი თავის მამას და თანაც დასძენს: «რომ სწავლა მიეღო მამა-ჩემს და ცხოვრებაში განვითარება ჰქონოდა, შესანიშნავი რამე იქნებოდა, მაგრამ ნამეტან გულ-კეთილობასთან შეერთებულ გულ-ფიცობას სულ სხვა ბეჭედი დაესვა, და, რომ დედა ჩემი არ ყოფილიყო, ოჯახში ყოველიფერი არეულ-დარეული იქნებოდაო.»

სასახლეში მისვლისას პატარა კაკოს მოწყენა დაეტყო და დედამ ისევ სოფლის პატარა ბიჭები მიუჩინა გასართობად და სათამაშოდ. ამნაირად ისევ გაუახლდა სოფლური ცხოვრება.

მალე დედამ წერა-კითხვაც დააწყებინა და მასთან ერთად პატარა სოფლის ბიჭებიც სწავლობდნენ. ჯერ ხუცური კითხვა ასწავლეს აკაკის, მხედრული-კი თავის-თავად უსწავ-

ლია. ანბანის წერა ბეჭედდ დაუწყია ძველი ჩვეულებისამებრ. დედის გარდა მის მასწავლებლად ყოფილა უფროსი და ანნა, რომელიც დღესაც ცოცხალია.

რვა წლის აკაკი სოფელს მოაშორეს და ქალაქ ქუთაისს ჩაიყვანეს გემნაზიაში მისაღებად. აქ თავდება აკაკის „ბავშობის პირველი ხანა, ბედნიერი, ნაყოფიერი და დაუვიწყარი. აქედგანვე იწყება მეორეც: მტანჯავი, დამჩაგვრელი და გამაუკუღმართებელი.“

აკაკი დიდის ხალისით სწავლობდა და ნიჭიერი, მკვირვხლი მოწაფეც ყოფილა, მიუხედავად იმისა, რომ მაშინდელი სწავლაც მეტად ცუდი იყო, მასწავლებლებიც უცნაური ზნისა და ხასიათის და საგნებიც დედა-ენის მაგივრად უცხო, გაუგებარის ენით უნდა ესწავლათ. თანაც სასტიკად უკრძალოდნენ არა თუ ქართულის წაკითხვას, ქართულ ლაპარაკსაც კი, და ამისათვის სასჯელსაც დიდს აყენებდნენ. მაგრამ ამ დაშლის მიუხედავად, აკაკი ყველა ქართულს წიგნებს გულდასმით ჰკითხულობდა და ვეფხის ტყაოსნით ხომ გატაცებული ყოფილა. ჯერ კიდევ თორმეტის წლის ყოფილა, როდესაც დაუწერია პირველი ლექსი „ლაშპარი“. როდესაც თბილისიდან ამბავი ჩასულა ქუთაისს, გ. ერისთავმა კომედია დასწერა და კიდევ ითამაშესო, აკაკისაც დაუწერია სცენები, სადაც თავის მამის მოურავის ოინები ყოფილა აწერილი. (ეს პირველი ნაწარმოები, რომელიც აკაკის დედას შენახული ჰქონია, თითონ აკაკისავე დაუწვავს რუსეთიდგან დაბრუნებისას).

გემნაზიაში ბევრი უსამართლოების მოწამე გამხდარა აკაკი. ჩვეულებად ჰქონიათ მაშინ უბრალო დანაშაულისათვის მოწაფეების გაწკებლვა. „ურმებით მოჰქონდათ ყოველ დღე ახალ-ახალი წკებლებიო“—ამბობს აკაკი. თვითონ აკაკი გაუწკებლავი გადარჩენილა, მხოლოდ ერთხელ „ხაქაპურის ლოტარიზუდ“ ხელის მოწერისათვის მასწავლებელს სხვებთან ერთად აკაკისთვისაც ხელებზედ სახაზავი ექვსჯერ დაუკრავს...

„მტანჯავმა და გამოუკულმართებელმა“ ხანამ მიინც ვერაფერი დააკლო ჩვენს მომავალ პოეტს. იგი პირველ მოწაფედ ათვლებოდა და საშუალო სწავლის დასრულების შემდეგ, რუსეთს გაემგზავრა, შევიდა პეტერბურლის უნივერსიტეტში, აღმოსავლეთის ენების ფაკულტეტზედ, დაამთავრა 1861 წელს უმაღლესი სწავლა და პაშინვე დაბრუნდა თავის სამშობლოში.

ჯერ კიდევ სტუდენტობის დროს დაიწყო აკაკიმ სამწერლო მოღვაწეობა და 1858 წლიდგან კიდევ იბეჭდებოდა მისი ლექსები ჟურნალ ცისკარში.

სამშობლოში დაბრუნებისას აკაკი მხნედ ჩაება საზოგადო მუშაობაში და ყველა ქართულ ჟურნალ-გაზეთებში იღებდა მონაწილეობას.

ამ ნახევარი საუკუნის განმავლობაში არ გამოსულა არც ერთი ჟურნალი და გაზეთი, რომ აკაკის თანამშრომლობა არ გაეწიოს. „ცისკარი“, „დროება“, „მნათობი“, „კრებული“, „ივერია“, „იმედი“, „შრომა“, „ნობათი“, „თეატრი“, „ჯეჯილი“, „კვალი“, „მოაზბე“, „ნაკადული“ „საქართველო“ — ყველა ამ გამოცემების თანამშრომელი იყო აკაკი და ზოგიერთისაც ეხლაც არის. გარდა ამისა 1898—1900 წლებში თვითონ სცემდა აკაკი თვიურ ჟურნალს „კრებულს“, რომელშიდაც სახალხო ზეპირ-სიტყვაობის გარდა ბევრს საკუთარს ნაწარმოებსაც ჰბეჭდავდა.

აკაკის ნაწერი მრავალ-ფეროვანია და მშვენიერის ენით განსხვავებული. მის აქვს დაწერილი ლექსად, ცალკე თხზულებად: „თორნიკე ერისთავი“, „თამარ-ცბიერი“, „პატარა-კახი“, „მედიი“, „ნათელი“, „კიკოლას ნაამბობი“, „ბაგრატ დიდი“, გარდა ამისა პროზით „ბაში-აჩუკი“, „სამგვარი სიყვარული“ და მრავალი მოკლე მოთხრობები, სხვადასხვა კომედიები და სცენები, მრავლისგან-უმრავლესი პატარ-პატარა ლექსები; სხვათა-შორის გალექსილი აქვს დიდძალი არაკები ლაფონტენის, კრილოვის და სხვათა; ამისთანავე ბევრი წერილები და შენიშვნები აქვს სხვადასხვა საზოგადო კითხვების შესახებ და სა-

ჯაროდ წარმოთქმული სიტყვები საყურადღებო შეკრებებების დროს.

სამწუხაროდ, ყველა ეს თხზულებანი, ზოგიერთების გარდა, ცალკე წიგნებად არ არიან დასტამბულნი. მათი რაოდენობა მეტად შესამჩნევია და მნიშვნელობაც მეტად დიდი ყველასათვის, ვისაც ჩვენი მწერლობის შესწავლა უნდა.

ამ ნაირად ორმოც-და-ათი წლის განმავლობაში, მთელ ნახევარ საუკუნეს, აკაკი ემსახურება ჩვენს ქვეყანას და ამშვენებს ჩვენს მწერლობას. აკაკიმ დაიწყო საზოგადო მოღვაწეობა იმ დროს, როდესაც ქართულ მწერლობას ბევრი გვერდს უხვევდა და არც მისდევდა. ისეთი დრო იყო მაშინ, რომ ქართველობას საჭიროდ არ მიიჩნდა ქართული წიგნის კითხვა და ქართულ შინაურ საქმესაც გაურბოდა. ვინც-კი ცოტაოდენ რუსულ ლაპარაკს ისწავლიდა — თავიც პედნიერი ეგონა და, რომ კიდევაც სცოდნოდა ქართული, არც დაილაპარაკებდა და არც არას წაიკითხავდა ქართულს. ეს ჩვეულება, რასაკვირველია, მათში უფრო იყო გავრცელებული, ვინც სასწავლებელში ნამყოფი იყო. წერა-კითხვის უცოდინარე-კი, ძალიან მოყვარულიც რომ ყოფილიყო ქართული მწერლობის, ან-კი რას წაიკითხავდა?! ასეთ სამწუხარო დროს შეუბვდა აკაკის სხვა ჩვენ მოღვაწეებთან ერთად მუშაობა და ამისათვის ბევრად უფრო მეტი შრომა იყო საჭირო და მეტი სიმარჯვეც, ვიდრე ეხლა. ეხლა წერა-კითხვაც უფრო გავრცელებულია და ქართულ ენასაც უფრო მეტი ჰყავს პატივის-მცემელი.

კიდევაც ამიტომ პირველად აკაკი შეუდგა პატარა ლექსების, ცხელ-ცხელი ამბების და საოხუნჯო შენიშვნების წერას, რომ ხალხი ამით უფრო შესწავლოდა კითხვას. შემდეგ თან-და-თან დიდი თხზულებებიც მოჰყვა, სადაც ჩვენი წარსული დროის ამბებია დასურათებული. გარდა ამისა, რაც-კი რამე საყურადღებო ამბავი მომხდარა ჩვენში ამ ნახევარი სა-



უკუნის განმავლობაში, ყველაფერზედ აკაკის თავისი ხმა აშრულია და აზრი გამოუთქვამს.

რაც კი ცხოვრებაში გამოვიდა აკაკი, მას შემდეგ არც სამსახურში შესულა და არც არაფრისთვის ხელი არ მოუკიდნია გარდა მწერლობისა და საზოგადო საქმისა. თავისი მადლიანის კალმით და აგრეთვე ცოცხალის ენით იგი აღვიძებდა მიძინებულ ქართველს, ამხნევებდა მას და მომავალი მუშაობისათვის აქეზებდა. და რადგანაც უფრო ხშირად ლექსად არის გამოთქმული მისი აზრები, მით უფრო მძლავრად გაუგდა მის თანამომძმეთ მისი ნათქვამი. ეხლა ვერ ნახავთ ისეთ კუნკულს ჩვენს საქართველოში, რომ აკაკის ლექსებს ზებირად არ ამბობდნენ და მისი თქმით აღტაცებაში არ მოდიოდნენ. ვერ ნახავთ ისეთ ბავშვს, რომ აკაკის ლექსებს ზებირად არ სწავლობდეს და არ იმეორებდეს. ჩვენი ნაკადულრის მკითხველებიც უცქველია ბევრჯელ დამტკბარან მისი სასიამოვნო ლექსების კითხვით, რადგანაც ჟურნალის დაარსებიდანვე ჩვენი აკაკი მუდამ გვაწვდის სხვა-და-სხვა ლექსებს და არაკებს პატარა მკითხველების გასართობად.

ვერ ნახავთ ისეთ კუთხეს საქართველოსას, რომ აკაკის ლექსებს ტკბილად და გრძნობით არ მღეროდნენ. ხშირად მის გამოთქმულ ლექსს მსწრაფლად მოუბრუნია მთელი საქართველოს მიდამო და ყველგან დაუწყიათ ამ ლექსის დამღერება სხვა და სხვა ხმაზედ, სულ რამოდენიმე კვირის განმავლობაში. ვის არ გაუგონია ეს სიმღერები: „საიღუმლო ბართო,“ „თავო ჩემო ბედი არ გიწერია,“ „ნანა,“ „ერთხელ მხოლოდ, ისიც ძილში..“ „სულიკო,“ „ჩანგურს სიმები დავუბი,“ „დღეს მერცხალი შემოფრინდა,“ „სანამ ვიყავ ახალგაზდა“ და ბევრი სხვა, — ეს სულ აკაკის ლექსებია, რომელიც გამოთქმისათანავე სასიმღეროდ აქვს გადაღებული ხალხს. ვერ ნახავთ ისეთ ქართველს, რომ აკაკის მოსწრებულ სიტყვას, ან პირადის გაგონებით, ან სხვის გადაცემით ბევრჯელ არ გაემზიარულებინოს.

50 წლის მუშაობამ, თავდადებულმა სამსახურმა სამშობლოს სისარგებლოდ, შეუმჩნევლად არ ჩაიარა. წინაღ თუ ათი ან ოცი მკითხველი ჰყავდა აკაკის, ეხლა უთვალავია მისი მკითხველი და პატივის-მცემელი; წინაღ თუ ეზარებოდა ქართველს ქართულის წაკითხვა, ეხლა სიამოვნებით და ალტაცებით იზებირებს ქართულ ლექსს; წინაღ თუ ქართველს არ ესმოდა თავისი ვინაობა, ეხლა არა თუ ესმის ეს; მტერ-მოყვარესაც კარგად არჩევს; წინაღ თუ დაძინებულ ქართველს არაფერი საზოგადო მისწრაფება არ აღელვებდა, ეხლა სიმაგიეროდ, მომავალის იმედიც ამხნევებს და აფხიზლებს. ყველაფერი ეს მოხდა ჩვენი საზოგადო მოღვაწეების შრომითა და მუშაობით, რომელთა შორის სხვებთან ერთად აკაკის უჭირავს უპირველესი ადგილი და მიუძღვის უდიდესი ღვაწლი.

რასაკვირველია, ასეთი დიდი სამსახური დაუფასებლად არ ჩაივლიდა და აი ეხლა, მადლობელი საქართველო თავის ძვირფას შვილს დღესასწაულს უმართავს. მთელი საქართველოს ერთი დიდის ალტაცებით ემზადება ამ დღესასწაულის გადასახდელად. დიდი და პატარა, მოხუცი და ქაბუცი, ყველანი სიამოვნებით ეგებებიან ამ საიშვიათო დღეს და ერთად უწნავენ გვირგვინს, რომლითაც უნდა შეუმკონ ის დიდებული ნიჭი, რომლის მადლიანმა კალამმაც ასე დაამშვენა ქართული მწერლობა.

ამნაირად აკაკის სიტყვებიც გამართლდა, და რასაც დიდი ხანია თვითონვე ელოდა, ეხლა კიდევაც შეესწრო...

აჲ მომკვლარა მხოლოდ სძინავს
და რადესაც კაადვიძებს,
მოაგონებს იმით სსსედს,
ვინც დღეს იმას აჲ ავაწევებს!..

ამას ამბობდა აკაკი მიძინებულ საქართველოს შესახებ, რომელსაც ის „ავადმყოფს“ აღარებდა, და აი დღეს კიდევც



გაიღვიძა მისმა „ავადმყოფმა“ და მოიგონა თავისი დედებულის
ლი შვილის ამაგი.

ნაკადულის რედაქციაც თავის პატარა მკითხველების სა-
ხელით მონაწილეობას იღებს ამ საქვეყნო ღღესასწაულში და
სიტყვას მისცემს აკაკის, რომ ეს პატარა ნორჩი ბავშვებიც
გულდასმით შეისწავლიან ყოველ ლექსს აკაკისას, რომ გულში
ჩაიბეჭდონ ის, რაც საყვარელ პოეტს მათთვის დაუწერია და
უანდერძებია. ეცდებიან ამით სამაგიერო გადაუხადონ აკაკის
იმ სიყვარულისათვის, რომლითაც ის თავის ლექსებში ხში-
რად და აღტაცებით ეტრფის პატარა ბავშვებს, მომავალ ქარ-
თველ მამულიშვილებს.

ვინ.





მობრუნება

აკაკის უმსახავ



წიგნების კითხვა ძალიან ადრე დავიწყე, მეხალსე-
ბოდა, როცა ვუყურებდი დედაჩემის, გაბმულ, სა-
სიამოვნო ოდნავ ვალობით კითხვას. ძალიან უყ-
ვარდა ვეფხვის ტყაოსნის კითხვა, და თითქმის ზე-
პირად იცოდა. წიგნები კარგა ბლომად გვქონდა.
სხვათა შორის იყო ლექსების კრებული „ჩანგური“ ამ
წიგნში მოთავესებული ლექსებიც თითქმის ზეპირად
იცოდა და, რაც იცოდა დედამ, ის ვიცოდით ჩვენც
ბავშვებმა, რომლებიც კითხვის დროს გარს ვუს-
ხედით და ყოველ იმის სიტყვის გამეორებას ვსცდი-

ლობდით ვიცინოდით, როცა ის იცინოდა კითხვის დროს და
ვტიროდით, როცა ტიროდა. მე მგონია, ექვსი წლისამ უკვე
ვიცოდი, რომ „სალამური“ „ჩანგური“ „მუშური“ და სხვა აკა-
კისაა, „ნანა“ — ჭავჭავაძისა, „მწყემსო კეთილო“ — ბარათაშვი-
ლისა, მაგრამ ვინ იყვნენ და სად იყვნენ ეს აკაკი, ჭავჭავა-
ძე და ბარათაშვილი, არ ვიცოდი და არც აზრად მომიღო-
და, შემეტყო. ვიცოდი, რომ ამით დასწერეს ლექსები, მიყ-
ვარდა ლექსები და მენატრებოდა თითონ წამეკითხა. მამა-
ჩემს კი უყვარდა კითხვის მოსმენა. და აი ზამთრის გრძელ
სალამოებს მთელი ოჯახი შემოვუსხდებოდით ბუხარს და მე
ვეუკითხავდი ყველას სხვა და სხვა წიგნებს და ჟურნალებს,
რომლებიც მაშინვეს ოზურგეთიდან მოჰქონდა, არა ერთხელ
მოუყვანია მთელი ოჯახი ალტაცებაში ლექსებს, რომლებსაც
ბოლოში ჰქონდა მოწერილი „აკაკი.“

ერთხელ, ეს უნდა ყოფილიყო 1884 ან 85 წ. მე და მამაჩემი გრიგოლ გურიელისას*) ვიყავით; სიტყვამ მოიტანა და მამაჩემმა უამბო, ძალიან კარგად კითხულობს და ძალიანაც უყვარს წიგნების კითხვაო. გრიგოლი ადგა, გამოიღმა, გადამისვა თავზედ ხელი და მითხრა:

— მაშ რახან ასეა, მე შენ ერთ დიდებულ წიგნს გაჩუქებ. — გამოიღო პატარა, ნაცრისფერ კანიანი წიგნი და მომაწოდა. „თორნიკე ერისთავი“ აკაკისა, ეწერა ამ წიგნის ყდაზე.

იმავე საღამოს ჩვეულებრივად შემოვუსხედით მაგიდას მთელი ოჯახი. როგორც ყოველთვის ჩვენი ორი მოჯამაგირეც აქვე მოგვისხდა ნაჩუქარი წიგნის მოსასმენად.

მართლაც წიგნმა ყველა აღტაცებაში მოიყვანა და სანამ არ გავათავე, არ შემიწყვეტია კითხვა.

„აი, კაციც ამისთანა უნდა... თუ გიყვარს სამშობლო, სწორედ ასე უნდა გიყვარდეს,“ — ისმოდა შენიშვნები.

— ნეტაი შენ, თორნიკე ერისთავო, — სთქვა ერთმა მოჯამაგირემ, — შენისთანა კაცი მკვდარი არაა! მარა ამის დამწერი უნდა თქვას, კაცი ვარო, აბა! აი, იგი აკაკია „მუშური“ რომ დასწერა?

— ჰო, ჰო, იგია! — ვუთხარი მე.

— ნეტაი ცოცხალი თუ არის ამის დამწერი? — იკითხა მეორე მოჯამაგირემ.

— ცოცხალი! — შევყვირე მე, — ამისთანა მშვენიერი რა მის დამწერი და ცოცხალი! მწერალი ცოცხალი არსოდეს აღარ არის!

მოჯამაგირე როგორც ეტყობოდა ჩემ სიტყვებს არ დაენდო, მამაჩემისაკენ გაიხედა და თვალებით ეკითხებოდა, მართალს ვამბობდი თუ არა.

თუმცა მამაჩემს ექვი უკრთოდა სახეზედ, ეტყობოდა, რომ ამ საკითხის შესახებ აქამდე არაფერი ეფიქრა და არაფერი იცოდა, მაგრამ ისევ მე დამეთანხმა:

*) ქილილა და დამანას გამოშკემული.

• —ნინუცი მართალს ამბობს, —მიუგო მან დინჯად, —მწერლებს იმისთანა ნაზი გული აქვთ, რომ ცხოვრების სიმკაცრეს ვერ უძლებენ. გამოსთქვამენ, რაც გამოსათქმელი აქვთ, და აღრე კვდებიან. მარა რაა ამისთანა კაცი, როგორც ხედავთ, წმინდა გიორგისავით საუკუნოდ იცოცხლებს.

ამ სიტყვებში სრულიად დააჯერა მოჯამაგირე.

— ახლა აღარ ვიცი ჩემ ბიქს თორნიკე დავარქვა თუ აკაკი, —სთქვა მან ცოტა სიჩუმის შემდეგ და მიუბრუნდა დედაჩემს, რომელიც იქვე ბუხრის წინ აკვანთან იჯდა, —ა, შენ რას იტყვი, რაღა მირჩევ, ბალანას ხომ შენ შინათლავ და ბარემ სახელიც შენ ამირჩიე თორნიკე დავათქვა თუ აკაკი. თორნიკე რომ დავათქვა, ეგება ქვეყნიზა თავდადებული და საიმედო კაცი გამევიდეს, აკაკი რომ დავათქვა ეგება ამის დამწერს დიემსგავსოს და ამის უკეთესი რაღა იქნება!

როგორც მახსოვს, ჩვენ ყველამ ცხარე მონაწილეობა მივიღეთ და, მოხუცი გამღელის გარდა, ყველამ ერთხმად გადაწყვიტეთ აკაკი დაერქმია. ჩვენი გამღელი კი ამტკიცებდა, ცოდვია იმისთანა მშვენიერი ბავშვის სასიკვდილოდ გამეტება, თუ კი მწერლები აღრე კვდებიანო, და ურჩევდა, როგორც უწინ ჰქონდათ გადაწყვეტილი, ავთანდილი დაერქმიათ, რომ ავთანდილის ბედს სწეოდა და მასავით ქვეიანი გამოსულიყო.

გავიდა რამოდენიმე წელიწადი და ტფილისში ჩამოვედით. შემოდგომა იყო, მაგრამ მშვენიერი მზიანი, თბილი და მხიარული დარი იდგა. გოლოვინის პროსპექტზე ჩვენს ნათესავს შეეხვდით და გაეჩერდით. მამა ჩემი და ის ლაპარაკში გაებნენ; მე კი ირგვლივ თვალებს ვაცეცებდი: სოფლიდან ჩამოსულს ყველაფერი მაკვირვებდა. ამოდენა მორთულ-მოკაზმული, მხიარული ხალხის წინ და უკან სიარული, ეს ვეება სახლები, ამოდენა ეტლების გრიალი, ტრამვაის სრიალი და წკარა-წყური. ეს ხალხის განუწყვეტელი გუგუნე და ყრია-მული. ამოდენა თავშეყრილობა ნაგომრობაშია(კი¹) არ მენახა

1) ბაზრობა ნაგომარზე რომელიც იმართება ივლისში ორი კვირით.

ჩვენში და სიზმარი მეგონა, რასაც ვხედავდი. ამ დროს ჩვენი ნათესავის ხმა შემომესმა.

— აჰა, ესეც ჩვენი აკაკი!—მე ისე ვიყავი გართული ჩემს ფიქრებში, რომ ამას ყურადღებას არ მივაქცევდი, რაღაცა მამა ჩემი რომ არ დაფაქურებულიყო.

— აკაკი? რომელია? იმ მალალი? ეკითხებოდა ის სხვა სხუპით.

— რომელი აკაკი, მწერალი?.. ცოცხალი?.. აგერ ყავისფერ პალტოიანთან რომ მივა?—შევეყვირე, უცებ მოვსწყუდი ადგილს და გავქანდი იმათკენ.

მრავალი ხალხი ირევოდა, მეკი მივრბოდი და ხან ვის ვეცემოდი, ხან ვის. ზოგი მლანძღავდა კიდევაც, როცა ვეჯახებოდი, მაგრამ არაფითარ ყურადღებას არ ვაქცევდი და მივრბოდი ჩემთვის. დავეწიე კიდევაც. მაგრამ საჭირო იყო წინ გამესწრო, შემდეგ დაებრუნებულიყავი და შემეხედა. ამიტომ აღარ შევჩერებულვარ, სასახლის ქუჩის კუთხემდის მივირბინე და გამოვეტრიალდი. ახლა კი ნელა წამოვედი. შორიდანვე, დავინახე ჩემკენ მომავალი მალალი, შავ პალტოიანი და შავ განიერ ქაღიანი ოდნავ შექალაქავებული კაცი, რომელიც ხელების შლით, ღიმილით მოუთხრობდა რაღაცას მეორეს. გაჩერდი, გული საშინლად მიცემდა და თავში მიტრიალებდა: „აი ამ კაცმა დასწერა:“ თორნიკე ერისთავი, ჩანგური“ „სიმღერა მკის დროს“, „გაბუტულო გლეხის შეილო“... რომ სწორედ ამ დროს მომავალის აკაკის მშვენიერმა სახემ დინჯი შესახედაობა მიიღო და გავიგონე იმის ხმაც: „პირველი საქმე...“

— სამშობლოს სიყვარული! ვამიელვა მე თავში წინადადების ბოლომ, როგორადაც ჩემი აზრით იმას უნდა დაემთავრებინა.

ერთ წამს სახე ჩემსკენ მოიბრუნა, თვალები ამაელ-ჩამავლო, თითქოს იგრძნო, რომ იმის ნახვის ნატვრით იყო მოცული თლად ჩემი არსება და რომ ამ მოულოდნელ სიხარულს ცოცხლად დანახვისას არ იტყვდა ჩემი გული. მინდოდა მივევარდნოდი და... მაგრამ აკაკიმ ვერ შემამჩნია და თავის ნაცხობთან ერთად ნელი ნაბიჯით ჩაიარა.



ცოტა ხანს კიდევ ვიდექი და სიხარულით გამოვწიე უკან. ჩქარა შევხვდი მამაჩემს და საშინლად გავაგრებულ ჩვენს ნათესავს.

— Чортъ знаетъ, что такое, — სთქვა მან, — ყველას შეატყობინე, რომ სოფლელი ხარ! როგორ შეიძლება იმოდენა ქალი „გალავინსკზე“ გადარეულსავეით მივბოდეს!..

ძალიან შემრცხვა და მივყუჩდი. ნათესავი საჩქაროდ გამოგვემშვიდობა და წავიდა.

— ჰე-ჰე-ჰე! გაჯავრდა ჩვენი პ... — სთქვა მამაჩემმა. — დეინახე აკაკი?.. აკი ცოცხალი არ გამოდგა, ჩვენ რომ... მეც მინდოდა გამოქცევა, მარა ჩამკიდა ხელი და აღარ გამომიშვა იმ ოჯახ აშენებულმა... ძალიან ყოჩაღად იყავი, მე და ჩემმა ღმერთმა, რომ გაასწარი თვარა შენც დაგიკერდა... მე ახლა ვინ იცის, მოსუცებული ვარ, ეგება ისე მოვკვდები, რომ ვეღარც-კი ვნახო! — დაუმატა მან.

მართლაც მამაჩემს აკაკი აღარ უნახავს, რადგანაც მეორე დღეს გურიაში დაბრუნდა. მე კი... მე კი შემდეგ აკაკი გავიცანი კიდევაც. ბევრჯელაც პინახავს და მილაპარაკნია მასთან, მაგრამ იმ პირველ ნახვის შთაბეჭდილება სამუდამოდ ჩამრჩა გულში, როგორც საგულდაგულო საუკეთესო მოულოდნელ ნატვრის აღსრულება ჩემ სიცოცხლეში და ახლაც ბედნიერი ვმადლობ განგებას, რომელმაც შთაბერა მას ეს უსახდვრო სიყვარულით გაშუქებული უკვდავი ნიჭი, რომელიც ასეთ თანაგრძნობას და სიხარულს იწვევს ყველას, ყველას როგორც დიდების ისე პატარების გულში.

სულით და გულით ვულოცავ მას 50 წლის იუბილეს მკითხველო და ერთად ვუსურვოთ კიდევ დიდხანს სიცოცხლე. რადგანაც მე ვიცი რომ აკაკი შენთვისაც ისე ძვირფასი და საყვარელია როგორც ჩემთვის.

ნინო ნაკაშიძე





მ ო ბ ო ნ ე ბ ა

აკაკის შინაგანობა



უმცა ისე პატარა ვიყავ, რომ თვით ჩემი არსებობისაც კი არაფერი გამეგებოდა რა, მაგრამ ასე მგონია, ეს ამბავი მხოლოდ გუშინ მომხდარიყვეს, ისე ღრმად მაქვს გულში აღბეჭდილი. ეს მაშინ

მოხდა, როდესაც ჩემი ძმა, სახლის დიდება და ნუგეში, სემინარიიდგან დაითხოვეს, მახსოვს, გაზაფხულის მშვიდი და წყნარი საღამო იყო. გორას იქით დაქანებულ წითელ, ლამაზ მზეს თვისი სხივები შორს, ცის კიდვებზე, შორტებზე გადაეტყორცნა და მოკრიალებული ცა ოქროს ზოლებით ატყრელვებინა. ჩვენ სულ ყველანი სახლის წინ დიდი თუთის ქვეშ ვისხედით. მუდამ დაღონებულნი იმ მშვიდ საღამოს თითქოს უფრო გულ ჩათხრობილნი იყვენ ჩვენები, თითქოს მისი სიკვლეუცე და სიდიადე მათ უღონობას უარესად აგრძნობინებდა, თითქოს სჩაგრაგდა ის საღამო თავის შვენებით. ისხდნენ ჩუმად, თავჩაქინდრულნი, ზოგჯერ ერთმანეთს გადახედავდნენ და უხმოდ მწარედ ამოიოხრავენ. ორი ბებერი—დიდედა ჩემი და მამიდა ტუჩების ცმაცუნით რაღასაც ტუტუნებდნენ; ჩემი ძმაც, იქვე ხეს მიყრდნობოდა, სემინარიულად მარჯვენა ხელი უბეში ჩაეყო და სიმაართლის მძებნელს, ჩაცვინული თვალები ცის სივრცის-

თვის გაეშტერებინა. მის პირ და პირ დედა ჩემი ქვამდ-
და, თავ დახრილი და ხმას არ იღებდა; მეც მის გვერდით
საცოდავად ვიძულებოდი და ცხედ ობლად მოსეირნე ბურ-
თის მსგავს ღრუბელს გაკვირვებული შევჩერებოდი; ზოგჯერ
კი დედა ჩემს ჩუმად თვალეში ვაშტერდებოდი; რადგანაც
ვერძნობდი მის მწუხარებას და მეც ისე ვიტანჯებოდი, რომ
მუდამ მის აღერს დაჩვეული, ახლა მხოლოდ დამნაშავესაებ
შორი ახლო ვეტმანებოდი, თან მისი ცრემლებისა ისე მე-
შინოდა, რომ მეც ყოველ წამს მზად ვიყავ ხმა მალა ღრი-
ალი მომერთო და ამისათვის პატარა ბაწაწკივით უკან დავ-
დევდი—თვალს ვადევნებდი. ის იყო, მზე მხოლოდ ცალი
თვალით და იქყიტებოდა, როდესაც ჩემი ბიძაშვილები ბესო
და ილიკო მოვიდნენ ჩვენ გასართობათ დი თან რალაც გა-
ზეთი მოიტანეს,—მოდის, ბიჭო, გაზეთი მაინც ვადავიკითხოთ,
გული გავიროთ, ან ის მაინც გავიგოთ, უჩვენოდ ქვეყანა-
ზედ რა ხდებაო—ჩაიხუმრა ილიკომ და გაზეთი წასაკითხად
მოიმართა. მეც სმენად ვიქეც; ჯერ არაფერი გამეგებოდა რა,
მაგრამ ის კი მშვენიერად მახსოვს სიმშლიზედ რალაც ამბა-
ვი წაიკითხეს და გულ გაზეთქილ ბებრების ტუტუნმა მეც ში-
ში შემომამპარა.

— მოიცა, დიდედო, ეგ სიმშლი ხომ მუდამ ყოფილა
და ახლა ვნახოთ, ჩვენი აკაკი რალას გვეტყვის; ყური დამიგ-
დეთ—გააწყვეტინა ილიკომ და ლექსის კითხვას დინჯად შე-
უდგა. თუნდ რომ დამარჩოთ, ეხლაც ვერ გეტყვით, რა ლექ-
სი იყო, მახსოვს მხოლოდ, რომ ილიკოს, რაც უფრო
უახლოვდებოდა ლექსის ბოლოს, იმდენად უფრო უბრწყინ-
დებოდა სახე, თან ხელებს შლიდა არტისტულად და სიხა-
რულით აწითლებულს ცხვირის ნესტოები უცახცახებდა.
ლექსის დამთავრების შემდეგ ერთი კი წამოიძახა— „შენი კი-
რიმე, ჩვენო აკაკი, ტყუილად კი არ გეთაყვანებო! დახა-
რა თავი და ლექსს კოცნა დაუწყო. როგორც ცას შავი ღრუ-
ბელი, ასე ჩამოეცალა ყველას სევდა, დედა ჩემს მეტი გრძნო-
ბით მსხვილი ცრემლები გადმოსდიოდა, მაგრამ სახე კი ელი-

მებოდა, თვალებიც სხვანაირად იყურებოდნენ და მეც ვეღარ ვიშინებია. მათ სიხარულზედ მეც რაღაც ბედნიერება ვიგრძენ და აბა რაღა დავმალო, როგორც პაწია ფინია, ფეხებ ქვეშ სიხარულით ყველას ისე ვედებოდი, ვბტოდი, ვიცინოდი და თან ვიტივით გავიძახოდი, — მეც ვენაცვალე აკაკის მეთქი. მგონი ძალიან სასაცილო ვიყავი, რადგანაც ჩემს დანახვებზედ გულიანი ხარხარი მორთეს და უფრო გამხიარულდნენ. აღბად დიდდღაჩემსაც გულში ღრმად ჩასწვდა, ის ლექსი, რადგანაც იმ დროს, როდესაც ჩემი გამოცოცხლებული ძმა ხელ მუორედ ლექსს აღტაცებით კითხულობდა ის ტკბილად, შემოდგომის მზესავით მოლიმარი ჩუმად გაიძახოდა: ღმერთმა გაანათლოს შაგის დამწერი, კარგი კია რაღაც არისო. ლექსის დამთავრების შემდეგ ბიჭებმა საყვარელი სიმღერა „მე ჩანგური მისთვის შინდა“ შემოსძახეს და იმ წამს ბურანში გახვეულ სოფელს თითქოს სიცოცხლე მოჰფინეს, მე კი გათამამებული დედას გვერდში მაგრა მივეყარ და აკაკის ამბავი გამოვკითხე. ის დღე იყო და ეამი, აკაკის სახელი გულში ისე ღრმად დავიმარბე, რომ სულ აკაკობა მენატრებოდა; ხშირად სიზმარშიაც მელანდებოდა და ყველგან, სადაც კი ლექსს, გავიგონებდი, ცუდი იყო თუ კარგი, ყველა აკაკისა მგგონა. სკოლაში რომ მიმბარეს მასწავლებელს უწინ ისა ვთხოვე, აკაკის ლექსები გვასწავლე მეთქი. შემდეგ კი, როცა წამოვიზარდე და კკუას პატარა დავუბხე, აკაკის, ძვირფასმა ლექსებმა ბევრ ნაირი გრძნობა აამოძრავეს ჩემს გულში, ნამეტანად კი მაშინ, როცა პირველად „თორნიკე ერისთავი“ წავიკითხე. მეც კინალამ პოეტად ვიქვეც, მახსოვს, მარტოდ მარტო კლასის ერთ კუნჭულში ვიჯექ და გატაცებული ვკითხულობდი. ისე ავღელდი რომ კითხვას თავი დავანებე, ავიღე ქალაღი და რაღაცა ლექსის წერა დავიწყე მაგრამ მღელვარება ვერ შევიკავე, ლექსი ველარ დავამთავრე, მივტრიალდი იქვე ხატთან და მდულარე ცრემლით ლოცვა დავიწყე. გულით და სულით ვავედრებოდი ღმერთს ჯერ იმის დამწერს



ჩვენს აკაკის, მის აღწერილ ჭირნახულ საქართველოში, მთებზე
თარნიკეს და მთელ ქვეყანას. ელოცულობდი და მთებში
ვირდა, რომ არც ერთ წირვაზედ ისე გულმოდგინედ და სა-
სოებით არ მილოცნია, თუმცა კი წარა მარა უკან ვიხედე-
ბოდი, რადგანაც მეშინოდა არავის დავენახე და ვიქად არ
ჩავეთვალე.

მას შემდეგ კიდევ დიდხანს მენატრებოდა აკაკის ნახვა,
მაგრამ მაინც ისევ შეგირდი ვიყავ როდესაც იგი ჩემში თვა-
ლებში იხილეს.

ავქსენტრი ცაგარლის დასაფლავებაზედ ამხანაგ ქალებთან
ერთად ქვაშვეთის ეკლესიის ალაყაფის კარებთან ვიდექ და
მათთან ერთად ხალხს ვათვალიერებდი. უცებ ვილაცა მომაწ-
ვა, მეც უკან დავიწიე და ვილასაც ფეხი დავადგი, ბოდიშის
მოსახდელად უკან რომ მივიხედე, კინალამ გული გადმომივიარ-
და: აკაკი, რომელიც მუდამ წიგნით დამქონდა, ცოცხალი თვალი
წინ მიდგა და ტკბილად ილიმებოდა. შემრცხვა, მაგრამ მგო-
ნი ისე არ შემრცხვა, როგორც გამეხარდა, რადგანაც თვალე-
ბი რომ შემომანათა, ასე მეგონა, მთელი ჩემი საიდუმლო გუ-
ლიდგან ამოიკითხაო. უსაზღვროდ გახარებულმა ველარ გაე-
ბედე პირ და პირ ცქერა და ამისათვის იქვე ვილასიც ძველს
ამოვეფარე, და ჩუმჩუმად ცქერა დაუწყე. მისმა მშვიდმა სა-
ხის გამომეტყველებამ და ნამეტანად თვალებში ჩემს გულში
რალაც ნაღველი დაჰბადა. ვუცქეროდი თვალებში და იმას
ვგრძნობდი, თითქოს უფსკრულში ვიხედებოდი, ვაკვირდებო-
დი მალალ შუბლს და ამას ვფიქრობდი: ნეტავი შენ, რომ
ცოცხალი ხარ სულით და ხორციით! ნეტავი შენ რომ არ
მოკვდები სიკვდილის შემდეგ.

ცქვიტი





მროს დიდებას აკბენს



ამშობლოს მთელმა მიდამომ,
მთა-გორმა, ბორცვმა, ტყიანმა,
ტურთა წალკოტში ნახარდმა
ზამბახმა, ვარდმა, იამა;

ლაქვარდ კიდანა კიმციმით
ვარსკვლავმა, მზემ და მთვარემა,
ძირს დედამიწამ, გარშემო
ქალებმა, ხევ-მდინარემა

მათ საამაყო ძვირფას შვილს
თავ დახრით გიძღვნათ სალამი,
ერთ ხმად აღიდეს ოთხ კუთხივ
შენი უკვდავი კალამი.

დარია





ლ ა მ უ რ ა



რთის ციხე-დარბაზის კერ-ქვეშ ბუღობდენ თავგები თავისუფლად და შეუპოვრად. ზაფხულში გრილი იყო მათი სადგომი და ზამთარში თბილი, და მით უფრო სანეტარო, რომ მაზედ თავგებს შემცილებელი არავინაჰყავდათ. კერ-ზეითი მღგმურებისაგან კერ-ქვეით მცხოვრებთ ხშირად, ზეციურ მანანასავით, სხვადა-სხვა საკნატუნო, საცუცნელი ნამცეცები უცვივდებოდათ.

მაგრამ თავგუნიები მარტო ამასაც არ სჯერდებოდენ ხოლმე: ხშირად, ღამ-ღამობით წავიდოდენ საწუწქარზედ ქურდულად, და თუ სადმე მოახელებდენ თბილს, ნიგოზს, წაბლს, მწიფს და სხვა ამ გვარ ზეთიან შექამადს, მაშინ უნდა გენახათ მათი ღბინი! ქონიც ძალიან უყვარდათ, ისე რომ მარტო ტყავიც რომ ჩაეგდოთ ხელში, თუ კი ცოტაც იყო ქონი ეცხებოდა, ისე გამოხრავდენ ბასრი კბილებით, რომ ცხრილივით გახდიდენ ხოლმე.

შუალამის ხანს, როცა დარბაზში ფეხის ხმა და ხმაურობა მიწყნარდებოდა ხოლმე, მაშინ თავგები მოისაზრებდენ: „ეჰ, დაიძინეს მღგმურებმაო“, სიფრთხილით ამოჰყოფდენ თავს ჯურჯუტანებში, მიიხედ-მოიხედავდენ და, რომ დაიჯერებდენ გულს, ყველას დაუძინიაო, ამოცუნცულდებოდენ კერ-ზეით და ასეთ ზრავი-ხრავს აყენებდენ ხოლმე, რომ ყურთასმენა აღარსად იყო! პატარა მსუნაგები ხან ერთ კუთხეს ეცე-



მოდენ, ხან მეორეს; ლოგინებზედ შებტებოდენ და რეებს ზედ ფებებზედ გადაუცუნ ცულებდენ ხოლმე. თაროები, შკაფები და უჯრები სულ დასინჯული ჰქონდათ. საწუწკარი თუ კი სადმე იყო, მიუგნებელი არ დაურჩებოდათ.—საკვირველი სუნი იცოდენ.

ყველაზედ უფრო მეტს ზარალს იმ მდგმურებში საწყალს ერთს ბებერ გადიას აძლევდენ: გადიამ თავის გაზდილებისათვის სხვა-და-სხვა საწუწკარების შენახვა იცოდა ხოლმე ბოყეში. პატარა ქურდები, რაკი ულვაშების ცმაცუნით მისუნავდენ, რომ აქ არის საშოვარიო, ჩაეპარებოდენ ბოყეში და გაჰქონდათ ხრაგა-ხრუგი, ამ ხმაურობაზედ დედაბერს ხშირად გამოეღვიძებოდა და გააბამდა ყვირილს: „აცხა, აცხა, თქვე წყეულებო! აცხა!“ ამ დროს თავგები გაბუნავდებოდენ და, სანამ გადია არ დაიძინებდა, ჩუმით იყვნენ, და მერე ისევ მიჰყვებოდენ ზვრას. ისე გაუქირდა გამდელს საქმე ამ თავგებისაგან, რომ ვისაც კი ნახავდა, სულ ამ თავგებზედ შესჩივოდა, და საწყალს ყველა სიცილს აყრიდა. განსაკუთრებით ახალგაზდა ქალბატონი აჯაფრებდა ხოლმე გადიას: „გადია, ე თავგები რომ მანგრე გადაგემტერენ და საშველს აღარ გაძლევენ, როგორღაც ცუდი ნიშანი უნდა იყოსო, საიქიოს ხომ არ გისტუმრებენო?“ ჰკითხავდა ხოლმე და თვითონ ხარხარს მოჰყვებოდა.—„იციენ, იციენ, ქალბატონო! და როცა თქვენი კაბები ყველა შექმული დაგიხედებათ, მაშინ ვნახავ, როგორ გუნებაზედ დადგებით! თუ კამოდში ჩაგეპარენ როდისმე, თქვენს ფარჩის კაბებს ნაკვეც-ნაკვეცებად აქცევენო!“— უპასუხა გადიამ.

ამ სიტყვაზედ ისე გაყვითლდა ქალბატონი, რომ თითქოცა და ქვეყანა იქცევაო. შეშინდა. და ან კი როგორ არ უნდა შეშინებულყო, რომ მისი ღირსება მხოლოდ კაბებით იხატებოდა? ის მისთანა ქალბატონთაგანს ეკუთვნოდა, რომლებიც გრძნობას კაბებით იჩენენ და ჰკუთხას ფერ-უმარილით. აშფოთებულმა ქალბატონმა მაშინვე გამოსცა ბრძანება, რომ თავგებისათვის ხაფანგი დაეგოთ. იმ ღამესვე დაუგეს თავგებს ხაფანგი და მოსატყუებლად შიგ შეუღდევს დამწვარი ნიგოზი.

ნაშუალამევეს, ხმაურობა რომ შესწყდა, თავგები ამოზრ-
ძანდნ ზევით, ეცათ ნიგვზის სუნი და გიყივით მარჯვენა
სათავვეს. საქმე მისწრებაზედ შეიქნა. მაგრამ, ვაი მისთანა
მისწრებას და უი მათს მოსწრებას: უცბად ხაფანგმა დაიძახა
ერთი: ჩხიკო! დაკეტა კარები, და რამოდინიმე თავვე შიგ
მოვმწყვრა. საწყლები ხან იქით ეცენ, ხან აქვთ, შექქნეს
წრიზინი, მაგრამ ვინ გამოიყვანდა იქილამ? მეორე დღეს, გა-
დიამ რომ ისინი დაქერილი ნახა, მოგეცათ ღვთის წყალობა,
იმან გული იჯერა და მათი ჯინი ამოიყარა. მოიჭანა წყე-
პელი და სულ ტუჩებში უცაცუნა საწყალ ტყვეებს; სანამ
ოთხში არ ამოიღო, არ მოეშვა და მერე მკვდრები შორს
გადაუძახა. მაგრამ ბოლოს კი ისწავლეს თავგებმა ქკუა. იფი-
ქრეს: ეს რალაც მანქანებაა, ჩვენ ხერს არ დაგვაყრის; ნურც
ნიგოზი გვინდა და ნურც მაგას მივეკარებითო!

„გამოცდილება ქკუის გვირგვინია; სიფრთხილეს თავი
არა სტკივია“—ნათქვამია, და მართლაც, რაკი თავგებმა
ქკუა ისწავლეს, თავს გაუფრთხილდნ და სათავვეს აღარ
ეკარებოდნ. ისევ სიამოვნებით, გაუჭირვებლად და თავისუ-
ფლად დაიწყეს ცხოვრება, სანამ ბოლოს, რამოდენიმე ხნის
შემდეგ, მეორე უბედურება არ ეწვიათ. ერთ დღეს მოესმათ
საოცარი და საზარელი ხმა, მეორედ მოსვლის საყვირის ხმა-
ზედაც უსაშიშრესი და უსიამოვნო! ეს ხმა კატის „მიაუ“
იყო. ზედა მდგმურებმა გაიჩინეს კატა.

ამ დღეს თავგებს წელში შიშის ქარი გაუღვათ, და არა
თუ ზევით ველარ ამოზრძანდნ, ქერ-ქვეშაც შიშით ცახცა-
ხებდნ და თავ-თავის ბუდეში გულის ბაგა-ბუგით სანგალი
გაპკრეს. სიცოცხლის ნიშან-წყალი აღარ ჰქონიათ საწყლებს
და მერეც დიდხანს ცახცახებდნ შიშით.

მაგრამ ბოლოს ამასაც მიეჩვიენ: პირველი სანახაობაა
საშიშარი, თორემ მერე, რაკი თვალი გატყდება, ყოველი
ჭირი აღვილი მისაჩვევია. ასე მოუვიდათ თავგებსაც: რამო-
დენიმე ხნის შემდეგ, არა თუ ქერ-ქვეით აღარ ეშინოდათ
კატის, ხან-და-ხან, როცა კატას სხვაგან სადმე გაიგულდნ,
ზევითაც ამოცუნცულდებოდნ ხოლმე. ესეც უნდა ვსთქვათ,



რომ ხან-და-ხან კი ძვირად უჯდებოდათ თავგებს მათი დაშურა დაობა: კატა საშინელი ყურმახვილი იყო და მძინარეც რომ ყოფილიყო, მაშინაც გამოიღვიძებდა ხოლმე, თავის ხრავუნს რომ გაიგონებდა. მიეპარებოდა და უეცრად ისარივით დაეცემოდა თავზედ, დაიქერდა და ისე აწვალებდა, რომ იმაზედ უსაცოდავესი ქვეც აღარ იქნებოდა: ხან მალლა აისვრიდა ბურთივით, ხან გაუშვებდა, ხან ისევ დაიქერდა ხოლმე. იმდენს აწვალებდა, სანამ სიმწრით სულს არ ამოხდიდა.

ბოლოს ამ კატასაც გაუოსტატდენ თავგები და ისე ხშირად აღარ ვარდებოდენ ხოლმე საფრთხეში. ციციუნის ეს არაფრად ეკაშნიკა და ისე გაკმიდა ხმა, რომ რამოდენიმე ხანს აღარ დაუქყავლია; გამოვიდოდა შუა ქერზედ და მკვდარივით გაიშლართებოდა ხოლმე. თავგებმა რომ დიდხანს მათის მტრის ხმა ვეღარ გაიგონეს, იფიქრეს, თუ ეს რა ამზავი უნდა იყოსო, და ამბვის შესატყობლად გამოგზავნეს ზეით ერთი გულ-მაგარი და ფრთხილი თავგი. მზვერავმა მიათვალა იერ-მოათვალა და შეჰხედა, რომ კატა ზედ შუა ქერზედ გაშლართულა. ჯერ მძინარი ეგონა და ახლოს ვერ მიეკარა, მაგრამ ბოლოს და ბოლოს კი მიუახლოვდა, უსუნა, დაუგდო ყური... კატა არ ინძრევია! ეჰ,—იფიქრა—სწორედ შეგვეწია ბედი და მომკვდარა ჩვენი მოსისხარი მტერიო! კიდევ უფრო რომ დაეჯერებინა გული, ერთი კიდევაც უკბინა კუდზედ კატასა, მაგრამ ციციუნია მაინც არ განძრეულა. მაშინ კი სრულიად დარწმუნებული თავგი წავიდა გახარებული თავის გამოგზავნელებთან. გახარებულმა თავგებმა შესამოწმებლად სხევებიც გამოგზავნეს, და ბოლოს ექვი აღარ ჰქონდათ, რომ მათი მტერი მომკვდარაო.

შეექნათ დიდი სიხარული და დღესასწაულობა... ბევრი იმზიარულეს და ბოლოს მოინდომეს მკვდრის განკიცხვა და შეურაცხყოფის მიყენება. ამ აზრით შეთხზეს ლექსი, ავიდენ დიდნიან-პატარიანა სულ ერთად ყველა, ჯერ მისხარობით მოთქმით იტირეს კატა და ბოლოს ფერხული დაამეს კატის ირგვლივ ამ ნაირის სიმღერით:

ციცუნია კატაო,
 მაგრე რამ დაგხატაო?
 ნუ ხარ ჩვენზედ გაბუტვით,
 სევდა მოგვემატაო!

კობტავ თავ-მომწონეო,
 „მიაუ- გაგვაგონეო,
 თორემ შენის უძრობით,
 ხედავ, დაგვალონეო.

ეს არს გასაკვირიო:
 დაგილია პირიო,
 კბილებიც გიკრეჭია,
 დადღგომია კირიო.

მეტად არ გამწარდეო,
 შენ ჩვენ არ გვიყვარდეო!
 თუ გულს გერჩის, წამოხტი,
 აბა, ინავარდეო!

ამ სიტყვაზედ უეცრად წამოხტა კატა, რომელიც თურ-
 მე სიკვდილს იგონებდა, დაერია თავვებს და მისთანა თქვენს
 მტერს, იმათ ღღე დააყენა!

კუდი ბუძვით აიპრიხა
 დააბრიალა თვალები,
 შეჭხტა და შეინავარდა
 გაკრა-გამოკრა ბრკყალები!

„თავებო, დედას გიტირებთ,
 ვერავინ დამემალები!
 უმწვარად ჩაგაკრასუნებთ,
 შინდა გიმტვრიოთ ძვალები.

თქვე წუწკო, ქონის პარიავ,
 არა ხართ შესაბრალები!“ —
 ეს მიაყვირა ციცუნამ
 და ომი იწყო მალები!

ზოგს კუდი დააგლიჯა, ზოგს კისერი მიაკენიტა, ზოგს ტყავი დაატოვებინა და ზოგს ხორცი. ძვირად დაუჯდათ თავებს მათი სიბრძნე და უდროვო ფერხული: დიდ-ხანს ეწვოდათ ზურგის კანი.

მაგრამ დრო ყველაფერსა ჰკურნებს. გაიარა დიდმა ხანმა, დაავიწყდათ თავებს ტკივილი, მაგრამ ის უბედური შემთხვევა კი ახსოვდათ და მეორედ აღარ ბრძიდებოდნენ: სცხოვრობდნენ თავისთვის კერ ქვეშ თავისუფლად და შეუპოვრად. მართალია, ბევრი მწუხარება გამოიარეს, სანამ გამოიკლებოდნენ, მაგრამ რა ვუყოთ! უკირნახულოდ ღზინს სრული გემო არა აქვს!..

იმ დღიდან დამოკიდებული თავგები ყოველთვის ბედნიერი იყვნენ, თავის ბედს სჯერდებოდნენ და მეტს არ ეძებდნენ.

ერთხელ, მხოლოდ ერთმა მათგანმა, სულელმა თავგმა იუკადრისა თავისი თავგობა და მოინდომა ჩიტობა. „რა არის ეს ჩემი სიკაცხლეო?—ამბობდა—მუდამ მიწაზედ ვბოხავ და მტვერში ვისვრები კერ-ქვეშო! სხვაგან წასვლა რომ მინდოდეს, ერთ დღეს ერთ მანძილს ძლივს წავიცუნცულებო, და ჩიტი კი ერთს შემოჰკრავს ფრთას და თვალის დახამხამებამდის შთა და ველს გადავიღისო. მეც რომ ფრთები მქონდეს, იმასავით ბედნიერი ვიქნებო.“

დაიწყა ვედრება: „ღმერთებო, ფრთები მომეცითო!“ შეუსმინეს ღმერთებმა, გამოება თავეს ფრთები, გადაიქცა რაღაც ცხოველად: აღარც ჩიტი იყო და არც თავგი.

გახარებული გაჰფრინდა ჩიტებთან. ჩიტებმა იათვლიერდაათვლიერეს და რომ შენიშნეს, ფრთები ჩვენი აქვს, მაგრამ ნისკარტი არა აქვსო და ტანად თავესა ჰგავსო, აითვალწუნეს. იმდენი კორტნეს, რომ კინაღამ მოჰკლეს. თვალები ამოუკორტნეს და დაჩეკილი გამოაგდეს.

საბრალო ღამურა მეტად შეწუხებული და დაწყულულებული დაბრუნდა და მოვიდა ისევ თავგებთან. მაგრამ „ვაის“ გაყრილი „უის“ შეეყარა. თავგებმა რომ ნახეს ფრთები ასხიოა, აიხირეს და იმდენი ჰკბინეს, სანამ არ გამოაგდეს თავის სოროდამ. გზა-დაბნეული მელამურა შეჰფრინდა ერთ

ნანგრევში და იქ დაიწყო ბუდაობა, და მას შემდეგ, მისი წამ-
 შობი ღამურები სულ ნანგრევში და კედლების ნახვრეტებში
 სცხოვრებენ დღე ვერაფერს ვერა ჰხედავენ და ღამ-ღამობით
 ბრძოდ დაეხეტებიან, აქა-იქ დაფრენენ, ბუზებს იჭერენ და
 მითი ირჩენენ თავს.

მაგრამ რომ თავის ბედის კმაყოფილი ვერ არიან, ეს მი-
 თი მტკიცდება, რომ; როდესაც ორი ღამურა ერთად შეიყ-
 რება, ერთი დაიწყებს ხოლმე ტირილს: წრიბ, წრიბ, წრიბ
 წრიბო! და მეორეც უპასუხებს: „წრუპ! წრუპო!“ და გაჩუმ-
 დებიან. იცით ეს რას ნიშნავს ჩვენებურად რომ ვადმო-
 თარგმნოთ? ერთი შესჩივის მეორეს: „ვინც თავის გვარ-
 ტომობას იწუნებს, ის ჩემსავით უბედური იქნებაო!“ და მეო-
 რეც უპასუხებს: „დიად! დიადო!“ მეორე ორივე შეერთებულის
 ხმით მოჰყვებიან წრიბინს და დიდ-ხანს, დიდ-ხანს გულ-სა-
 ლავად წრიბინობენ, თითქოს მოსთქვამენო და ვინც დაუკვირ-
 დება, აი რა სიტყვებს გაიგონებს მათს საზარელს ხმაში:

კრულ იყოს მისი სახელი,
 ვინც მთა გასცვალოს ბარზედა!
 თვის ტომის დამწუნებელსა
 ჰირი მიუვა კარზედა!
 ბოროტებისა მოსურნე
 ბუნებისაგან კრულია,
 მისი პირადი ღირსება
 ყოველგან დაჩაგრულია!
 კრულია მისი ხსენება,
 ვინც დაჰგმობს დედა ენასა,
 მოყვრებს ლალატობს და მითი
 აპირობს მაღლა ფრენას!

აკაკი





ა ლ ე ქ ს ი

(ზღაპარი ყმაწვილებისათვის)

თ ა ვ ი

1

შვილო ალექსი!
მსურს ვითხრა ლექსი,
საკუთრათ შენთვის მოვმართო ქნარი;
დამიგდე ყური!..
ვით ლუკმა პური,
ისე შეგერგოს შენ ეს ზღაპარი
აბა დავიწყო:
იყო და იყო,
ღვთის უკეთესი არა იყო რა;
აქედამ წაღმა,
ცხრა მთას გადაღმა,
იდგა პატარა, ლამაზი გორა,
რომელიც მუდამ
თვის სიმაღლიდან
რაღაც მოღბენით დამზერდა კალას,

მის წინ გაშლილსა,
 სამოთხეთ კმნილსა,
 და მასში სჭვრეტდა ჴუნების ძალას.
 ეს აგარაკი,
 გაშენდა რაკი,
 აღყვავდა ტურფით, სხვა-და-სხვა ფერათ;
 გაჩნდენ ჩიტები,
 გაშალეს ფრთები,
 დაიწყეს მღერა გულის მძგერათ;
 თქვეს: „ვნახეთ ზღუდე,
 ვაკეთოთ ბუდე.
 ეს ხეები სულ ჩვენ-ჩვენთვის გავჰყოთ;
 ვიხაროთ გული,
 ზამთარ-ზაფხული
 უზრუნველათა გვიჯობს აქ დავჰყოთ.“
 თქვეს, გაიხარეს,
 წილიც არ ჰყარეს,
 დაეპატრონენ ისე თითო ხეს.
 შრომა დაიწყეს,
 ზარმაცი ჰკიცხეს.
 ყველა უვლიდა თავ-თავის კუთხეს.
 მშვიდობიანს გვრიტს,
 იმ უწყინარს ჩიტს,
 ერგო მალალი ხე ნაკვერჩხალი;
 ვერ ნახა წუნი,
 იწყო ღულღუნი,
 თქვა: „ხეც პურში დგის, ახლოც მაქვს წყალი;
 რომ დაეიბუდებ,
 კვერცხებმსაც დავდებ
 და იქიღამა ორ ხუნდს გამოვჩეკ;
 მათ გასაზრდელათ
 მე ახლოს, ხელათ
 წყალსაც ვიშოვნო და პურსაც ავკენკ.“

დასკვნა ეს რჩევა
 და ღმერთს კურთხევა
 შეძღვნა და ძღვენიც არ იყო ის ცრუ:
 დილა-საღამოს,
 ტკბილს და საამოს,
 ლოცულობს გვრიტი, იძახის: „ღრუ! ღრუ!“
 ყვანჩაღა ყვაფმა,
 აფმა და შაფმა,
 ჯერ გაიცინა, მოჰყვა: „ხე! ხე! ხე!
 ჩემ სამოსახლოს
 ვხედავ მე ახლოს,
 ძალიან მომწონს დიდი ნიგვზის ხე;
 ბუდეს ვიკეთებ,
 ჩიტებს ვაფეთებ,
 კვერცხებს დაედებ და ბარტყებს გამოვტებ.
 შორს აღარ ვეძებ
 საკენკარს: უცებ
 აქვე ვიშოვი, კაკალს რომ გავტებ.“
 ეს განიზრახა,
 გააღო ხარხა
 და შემოსძახა მაღლა ხმით: „ყვა! ყვა!“
 თვით მოეწონა,
 ასე ეგონა,
 თუ მგალობელი ტოლი აღარ ჰყვა!..
 პატარა მწყერმა,
 იმ პურის მტერმა,
 ხე რომ იხილა, „რათ მინდაო?“—თქვა
 და პურში შეძვრა,
 მიწას დაეკრა
 და იქ დაიწყო მან ჩუმით გოგვა.
 თქვა: „რას დავეძებ!
 კვერცხებს ბევრს დავდებ
 და წიწილებსაც ბლომით გამოვჩეკ.

ოხრათ მაქვს პური,
 ბედს რათ ვემდური?“
 გაგოგდა, იწყო პურში: „ბეკ! ბეკ! ბეკ!“
 მგოგავმა შაშვიმა,
 არ ავმა, შავმა,
 რომ დაინახა დიდ ეკლის ბურღი,
 მას შიაშურა,
 სხვას არ უყურა,
 ისე შეძვრა შიგ, როგორც რომ ქურდი.
 თავისთვის ჩქარა
 დაესახლ-კარა
 და ოჯახობას მიჰყო მან ხელი.
 კიაც იქ ჰქონდა,
 საზრდოც მიჰქონდა,
 საამოთ სტვენდა,
 ყველას აღზენდა,
 საღამურივით რა გაჰკიოდა,
 იმ არე-მარეს,
 ტკბილათ მდუმარეს,—
 სხვა ზრუნვით თავი მას არ სტკიოდ. შავი მერცხალი,
 როგორც რომ მთვრალი,
 დაბარბაცობდა, ჰფრენდა ტრიალით;
 უჭრიდა რა გზებს
 მომფრინაე ბუზებს,
 საზრდოთ უქვრეტდა მათ მტრული თვლით.
 რა გაძღებოდა,
 შტოზე ჯდებოდა,
 იწყებდა ხოლმე კიკიკის საამოს;
 მერე, ვით ქალი,
 წყნარ პატარძალი,
 შინ მიჰფრინაედა ყოველ საღამოს.

მაგრამ გუგულმა,
 კრუმ და კივგულმა,
 ასე თქვა: „ბუღის არ მაქვს ჯავრიო,
 სჯობს სხვის ზღუდეში,
 მე მზა ბუდეში,
 სხვის კვერცხებშია ჩემიც ვავრიო!
 მას ეგონება —
 არ აქვს გონება —
 მისი და ზედაც კრუხათ დაჯდება.
 და როს გამოტეხს,
 თავებს დაუტეხს
 ჩემი ბარტყი სხვებს — თვით გაიზრდება.
 სხვებს ვიშახურებ,
 სვირს ვუყურებ,
 მე ხის წვერზედა შევსჯდები დილით
 და მე იქიდან
 ბრაწებს დავატან
 გამოვლ-გამომვლელს „გუ-გუს“ ძახილით.“
 მაშინ ბულბულმა,
 ტკბილ გრძნობით სრულმა,
 მიმართა ვარდნარს სიამოვნებით;
 და რომ დაჰხედა
 ვარდის ბუჩქზედა,
 ბუდე გამართა თავ-მოწონებით.
 კოკობი ვარდი,
 იმისი დარდი,
 თვალთ წინ საამოთ ეფურჩქნებოდა;
 და მით ბულბული,
 აღელვებული,
 მეტი ეშხითა თითქოს დნებოდა.
 ვარდი კოკობი,
 ბაღჩისა მკობი,
 ბულბულის გულსა ცეცხლს უკიდებდა:

და არე მარე,
 მუღამ მღუმარე,
 ვარდის მღერალსა ყურსა უგდებდა.
 ბულბული ამკობს,
 ვარდიც ამაყობს,
 შურით კი ჭკნება საბრალო ია;
 და იადონი,
 თავის მომწონი,
 რას დასდევს იას, სტვენს: „ტია! ტია!“
 ასე, ამ გვარად,
 მარად და მარად
 სტვენენ სხვა-და-სხვა გვარის ჩიტები;
 დიური საზრდო
 ყველას წინ ედო
 და შესაქცევით მარგალიტები.
 ეს ტურფა მზარე,
 ტკბილათ მღუმარე,
 ეკუთვნოდა ერთ მშვიდობიან ცხვარს;
 და კმაყოფილი,
 ის მადლის შვილი,
 მადლობას ძღვნიდა თავის მაცხოვარს.

თ ა ვ ი

II

ეს ცრუ სოფელი,
 მწარ-სამყოფელი,
 ვერ ვის დაინდობს, არვის გაიტანს!..
 უდროვით აღზენს,
 უდროვით აწყენს
 კაცს, აბურთავენს, სად არ გაიტანს?!
 ვინ არა ძრახავს?
 არ ვინ მინახავს,
 რომ ამ სოფელზე მადლობა ეთქვას!

და ეს კი მიკვირს:
 სიკოცხლე თუ სკირს,
 რათ ვერიდებით ჩვენ საფლავის ქვას?..
 მაგრამ იმედი,
 უბედოს ბედი,
 გვამზნევენს ქირში, მით გვაძლევინებს;
 და მწარ შავ დღეებს
 მთლათ დაგვაფიწყებს
 ტანჯვით დამაშვრალს, წამს თუ გვაცინებს.
 ჰოი, სად ხარ დრო,
 ტკბილო, ნეტარო!
 კაცობრიობის მალამოთ გელით
 და სასოებით
 რა გელოდებით,
 ეკლიან გზას ვწმენდთ შიშველი ხელით.
 და მოველით დროს,
 ტკბილ-სანეტაროს,
 როს იგრძნობს ერი ბედნიერებას!..
 აწმყო ცხოვრება
 მითი გვიტკბება
 და თანავუგრძნობთ იმ ნეტარებას!
 ეს აღსარება
 ვის ეყურება!..
 ბევრს უკვირს ჩვენი სხვა გვარი ქცევა;
 გიჟებათ გვხდიან,
 და დაგვცინიან...
 ხან გვესმის მათგან რისხვა და წყევა!..
 მაგრამ ჩვენ იმ დროს,
 რომ დაგვიფაროს,
 ქრისტეს სიტყვები გვაგონდებიან:
 „შენ ზეციერო,
 მამავ ძლიერო!
 არ იციან, თუ რასა შერებიან!“

ოდეს მუშაკი,
 ოფელსა ჰღერის რაკი,
 შემოდგომისას თესავს ზორბალსა,
 შიმშილს არ ნადელობს,
 მაცხოვარს მადლობს,
 მომავალ ზაფხულს უხატავს თვალსა
 და წინეთ უმზერს,
 გული მით უძგერს,
 რომ მისი შრომა კარგ ნაყოფს აძლევს,
 რომლითც მრავალი
 მშვიერ საწყალი,
 საზრდოს ჰპოვებს და დღეებს ტკბილათ ჰლევს.
 მაშინ მდიდარი,
 მარად მამღარი,
 ამ ნეტარებას, ვით გიყურს, ძრახავს!..
 მუქთად მყლაპავი,
 საზიზღი სვავი,
 საბრალო მუშაკს ძმითაც არ სახავს.
 და ამაყ-გული,
 მძორ-დიდებულო
 სულელს ახარებს, თავს უქცევს რა თვალს.
 მაგრამ კევიანი,
 მართლ-გრძნობიანი,
 უმაღ თაყვანს სცემს მუშაკსა საწყალს;
 და მით იმის გულს,
 გრძნობით აღესებულს,
 ახალ შრომისთვის მარჯვედ ამხნევებს
 და ასის დევნას,
 უსუსტარ წყენას
 ერთის თანგრძნობით მალე ავიწყებს..
 ჩვენც ხომ ისე ვართ,
 დევნა გვჩანს არად
 ათასის, თუ რომ ერთი თანგვიგრძნობს.

მაგრამ ჯერ ჩვენში
 მად არს ნუგეში?
 ჩვენგანი თანმგრძობს ჯერ ვერვის იცნობს!..
 და წყლული გული,
 აღელვებული,
 ძგერს უიმედოთ, ნაღვლით აღესილი.
 მით ამ ცრუ დრომა
 დაგვიქვნო შრომა,
 კლექში ვარდება ჩვენი სურვილი...
 განმრავლდით, მშრომნო,
 სულით ამაყნო!
 თქვენი საფლავი დროსა მომავალს
 საძირკვლავთ ჰქონდეს,
 რომ აგონებდეს
 თქვენი ცხოვრების პატიოსან კვალს!
 და ვინცა აწმყოს,
 რა ხელი მიჰყოს,
 თავის სიცოცხლეს შესწირავდეს მთლად
 და უმკროს მოძმეს,
 ვითა მოწამეს,
 შეიწირავდეს თავისთვის მსხვერპლად, —
 ხალხში გაჰკიცხეთ
 და შეარცხვინეთ,
 რომ შეიღებმატა მათ არ მიჰბადონ
 და სუსტთ ამკლები,
 კაცები — მგლები,
 თვისის სამწყსოდან მათაც განაძონ.
 მაგრამ ეს ლექსი,
 შეილო აღექსი,
 შენთვის აღრეა... ირჩევ ჯერ ზღაპარს?
 მაშ კარგი, შეილო,
 მამულის წვლილო.
 მივმართოთ ისევ ჩვენს საცოდავ ცხვარს.

თ ა ვ ი

III

უზრუნველათა,
 მწვანე ველათა
 დანავარდობდა სიამით ცხვარი;
 სკამდა, ცხოვრებდა
 და ცივ წყალს ხვრებდა,
 ფეხით გაჰქონდა სულ მთა და ბარი.
 ვის რას უყოფდა?
 მით ამაყობდა,
 რომ კარგი კუთხე ბედმა მას მისცა;
 და ისე ბტოდა,
 როგორც უნდოდა,
 ცა ქუდად უჩნდა, ქალამნათ მიწა.
 მაგრამ ერთ ღლეს კი
 აკვნიტეს ნეკი,
 როდესაც ქორათ მოჰკრა მან ყური,
 რომ სხვა მხეცებსა,
 მის მეზობლებსა,
 გულში შესვლიათ საბრალოს შური...
 დიდათ ჰკვირობენ
 და უპირობენ
 ძალით საბრალოს დამონებასა,
 თუ რომ სურვილით
 და სიტყვით ტკბილით
 თვითონ არ დაჰყვა იმით ნებასა!
 ჯერ თავ-მომწონე,
 ამის გამგონე,
 საბრალო ცხვარი მეტად დალონდა;
 თქვა: „ცა გამიწყრა!“
 ბევრი იფიქრა
 და ბოლოს ხერხი მას მოაგონდა:

ის სამფლობელო,
 მისი სამშობლო,
 სადაც კი თვალი მიუწვდებოდა,
 ყოველი კუთხით
 გაღაფნით, ციხით
 შეპკრა,— მტერი ვერ მოუხტებოდა!
 და შემდეგ მარად
 ის უშიშარად
 აბუჩა სტუმრებს მარჯვედ უცდიდა
 და თავის გულში,
 დამშვიდებულში,
 მოსისხარ მტერებს პამპულათ ხდიდა!
 ერთხელ, ვით მტვერი,
 მოადგა მტერი,
 მაგრამ რა ნახეს გამაგრებული,
 გაჰკვირდენ მეტად,
 შეიქმნენ რეტად
 და მოულოდნათ დაწყდათ მათ გული.
 ვერა გააწყვეს,
 ამოიძუეს,
 დაბრუნდენ სახლში ბილწი მხეცები;
 და ცხვარმაც საგზლიათ
 ხშირათ და ხან-გრძლიათ
 თან გაატანა იმეთ ბრაწები!
 უფრო დიდებით
 და დამშვიდებით
 ამ საქმის შემდეგ ცხვარი ცხოვრებდა
 და ის სხვა ცხოველებს,
 ვერც დათვებს, ვერც მგლებს
 ძალით მომსევად ვერ უყურებდა.
 ხანი გამოხდა,
 ცელილება მოხდა:
 ეტკინა საწყალს ჩვენს ცხვარს მუცელი;

დასვა კრავები,
 ნიკორ-შავები,
 და გასაზრდელათ მიჰყო მათ ხელი,
 ძუძუსა წოვდენ,
 სხვას არას სთხოვდენ.
 დედას დასდევდენ და ნავარდობდენ.
 სილამაზითა
 და სინაზითა,
 ასე გასინჯეთ, ერთმანერთს სჯობდენ!
 ჭკუა-გონება,
 დიდი ქონება—
 რაც ცხვრისა წესზე კი შეიძლება—
 იმათაც ჰქონდათ,
 თავი მოსწონდათ;
 აკლდათ მათ მხოლოთ გამოცდილება,
 მაგრამ ეს ნიჭი,
 ცხოვრების ბიჯი,
 დედის მუცლიდან არვის დაჰყვება.
 ცრემლ-ნალღველითა,
 გულის მწველითა
 ის მხოლოთ შემდეგ მოიპოვება.
 და ერთხელც ვინცა
 მას ხარკი მისცა,
 კმუნვის ბეჭედი აზის მის სახეს;
 და რაც პირველათ
 ჩნდა სასურველათ,
 ბოლოს იქ ჰგონებს საფრთხეს და მიხეს..

თ ა ვ ი

IV

ხარბი რამ არი
 და უმაძლარი
 ვნებოთა სრული, აღმშფოთი გული:

რაც რომ ჩვენია, —
 მოსაწყენია,
 და რაც არა გვაქვს, — მიგვიღის სული!
 მწარისა ოხვრით
 და ცრემლების ღვრით
 როს ივისრულებთ ჩვენ ერთსა სურვილს, —
 კიდევ სხვას, ახალს
 გული იჩენს აღს
 და არ გვასვენებს კრულსა და ურვილს!
 ჩვენს ნაცნობ ცხვარსა,
 შეუბოვარსა,
 მოსწყინდა მალე ის არე-მარე
 და მოსაძოვრათ,
 ნეკრის საშოვრათ
 გადააბიჯა გალაგანს გარე
 და ის კრავები,
 საცოდავები,
 გალაგანს შიგნით მარტოთ დაჰყარა!
 მაგრამ იმავ დროს
 უფროს და ფმცროს
 ორივე შვილებს ეს დაუბარა:
 „ჩუმათ! ნუ ბღავით,
 ფრთხილათ იყავით,
 დაკეტეთ კარი, არვის გაულოთ!
 მარტო რომ ვნახონ,
 არ მოგატყუონ
 ჩემმა მტერებმა, არ დავიღუპოთ!..
 მე როცა მოვალ,
 ყველაზედ უმალ
 სამჯერ „ბეს“ ვიტყვი და „ბეკეკესა“
 და მითი მიხედით,
 კარებს მოახტით,
 ჩქარა გამიღეთ და გაქმევთ რძესა!“

ამ გვარად ცხვარმა,
 გულ-უმაძღარმა,
 კრავებს ეს სიტყვა რა დაუბარა,
 მინდორი გავლო,
 მთებიც გადავლო,
 მოუხედავით გასწია ჩქარა.
 უღედურათა,
 უძუძურათა
 დარჩენ კრავები და მოიწყინეს;
 ვერც იკუნტრუშეს,
 ვერც ინუგეშეს,
 მიწვენ ჩეროში და დაიძინეს.
 მათ ძილში მგელი,
 ის საძაგელი,
 მიადგა კარებს, ეცა რა სუნნი.
 ერთი მან გარეთ
 იხუვლა მწარეთ
 და დაუწო კარს ჩქარა კაკუნნი.
 ძილი, დაუფროთხათ
 ტკბილი, მაგარი
 ამ ხმაურობით პატარა კრავებს;
 და რომ წამოხტენ,
 მაშინვე მიხედენ,
 რომ აბრიყვებდა ვილაც მათ მტრობით.
 მიცვივდენ კარზედ,
 მაგრამ უარზედ
 დადგენ და აღარ გაუღეს კარი:
 „ვილაცა ხარო,
 თუ დედა ხარო,
 აბა ნიშანი შენი გევითხარი!“
 კულ გრძელმა მგელმა,
 იმ საზარელმა,
 მოსატყუებლათ შეჭქმნა ზუილი,

მაგრამ კრავებმა,
 ნიკორაებმა,
 იცვნეს და უთხრეს მათს მტერს: „ტყუილი!
 გსურს გაგვაბრიყვო?!
 დედა რომ იყო,—
 სამჯერ იტყოდი „ბეს“ და „ბეკეკეს!“
 ჩვენც მივხვდებოდით,
 კარს მივხტებოდით,
 გაგიღებდით და შენც გვაკმევდი რძეს.
 შენ დედა არ ხარ,
 სხვა გვიართ ჰყარხარ,
 საიღამც მოხველ, იქვე წადიო!“
 მგელი დაღონდა,
 რაღა გზა ჰქონდა!
 თქვა: „დამეკარგა დილის მწვადიო!
 ახლა ამ კრავებს,
 ეშმაკებს, ავებს,
 ვერ მოვატყუებ, წახდა ფიციო,
 მაგრამ მეორეთ
 შევაცდენ სწორეთ,
 რადგან ნიშანი მათი ვიციო!“
 მართლაც მეორეთ
 დაბრუნდა სწორეთ
 სამხრობის დროზედ, კარი მონახა.
 ასუნ-დასუნა,
 დაუკაკუნა,
 „ბე“ და „ბეკეკე“ სამჯერ დასძახა...
 მაშინ კრავები,
 საცოდავები,
 მოტყუვდენ და წამს გაულეს კარი.
 და ვაი მათ მტერს!
 მგელს შეხვდენ შშიერს...
 ორნივე ჩაყრახა მგელმა უმწვარი!...



და გამაძლარი,
 არ გასახარი,
 მგელი წაიდა სახლში ძუნძულით;
 და ის გძელ-კუდა,
 როგორც რომ გუდა,
 გამოიბერა მუკლით და გულით

თ ა ვ ი

V

დაბრუნდა ცხვარი.
 რომ ნახა კარი
 ღია, კრავებიც აღარსად იყო,
 მას ელდა ეცა,
 პირქვე დაეცა.
 და საცოდავით ბლავილი იწყო!
 თქვა: „ეს რა მოხდა!“
 ზეზე წამოხტა,
 თუმცა კრემლები ადგა მას თვალში,
 და თავის მტერსა,
 გულის მაძგერსა,
 გარისხებული ჩაუდგა კვალში.
 მისდია ჩქარა
 მთა გაღიარა
 და ერთ ღელეში ნახა მან მტერი.
 შეშინდა მგელი,
 ის საძაგელი,
 ცხვარს რომ შეხედა, წაუხდა ფერი!
 ის, გამაძლარი,
 ეგდო, ვით მკვდარი
 და აღარ ჰქონდა საომრათ ძალა.
 და მონელება,
 ომის შეძლება
 იმ წყეულს ცხვარმა აღარ აცალა:



დროზედ მოასწრო,
 იშოვნა მან დრო,
 ამოჰკრა ფაშეში მრისხანემ რქები,
 გააპო ჩქარა
 და გამოჰყარა
 ისევ ცოცხლები თავის შვილები!
 ბევრი იხარეს,
 ცრემლები ჰღვარეს.
 სიამოვნებით შეექმნათ კოცნა...
 და მერე ცხვარმა,
 ბუდით დამტკბარმა,
 თავის შემოქმედს მადლობა უძღვნა
 და წამოვიდა
 დიდის აპბითა
 თავის სახლისკენ გულ-დამშვიდებით;
 და ძველებურათ,
 ის მისებურათ
 ისევ ცხოვრებდა, იყო დიდებით.
 ხშირათ მტერები:
 მგლები, ტურები,
 დათვები და სხვა თუმც აწუხებდენ,
 მაგრამ დიდ ზარალს
 ვერ აძლევდენ მას,
 რადგანც ციხის კარს მათ არ უღებდენ.

თ ა ვ ი

VI

უსამართლობით,
 ომით, ძალობით
 ატყვის შეეძლო, გაეღო კარი,
 თუ რომ შეცდენით
 და მოყვრის ენით
 არ დაეღუპათ საბრალო ცხვირი!



მოულოდნელათ,
 მოუწვეველათ
 გაჩნდა მოყვარე, მტერზედაც ავი.
 ეს იყო მელა!
 ცუნცულით, ნელა
 მობრძანდა, თოვლში ის ნაგორავი,
 და მოტყუებით,
 ტკბილი სიტყვებით
 მიმართა ცხვარსა კეთილ მზრუნველათ:
 «კეთილო ცხვარო,
 ღირს შესაყვარო,
 მამაცო, სიმზნით ქებულო ძველათ!
 ყოველი კუთხით
 ღამითა და დღით
 მტერი გყავს, არ გაქვს შით მოსვენება!
 და შენ მოყვარე
 არ გყავს მომხმარე,
 რომ მოგებმარო, მომეცი ნება.
 შალალო სულით,
 მიყვარხარ გულით
 და მისთვის მინდა გემო, გემოყვრო;
 და შენი მტერი,
 როგორც რომ მტვერი,
 ისე გავხადო, მინდა... ამოვფხრო.
 მე ერთი მურა
 თეთრი, შავ-ყურა
 მყავს, თუმც არ არის ჩემი ფერია,
 და როგორც მელის,—
 ჩემგან რას ელის?—
 ის უნდა იყოს დიდი მტერია,
 მაგრამ სიბრიყვეით
 ის, ერთი სიტყვით,
 რადგანაც არ აქვს მეტი გონება:



რა გაეგება,
 კიდევ ექება
 თავ-განწირულათ ჩემი მონება!
 ო, ამ მურას
 მოვიყვან, ტურას
 და მგელს წავიფრენ მე წინ სიმწრითა!
 და მაშინ შენა
 მოგხედავს ზენა,
 მტერს მოიგერებ ყოველი მზრითა.
 მოგაშორებ მტერს,
 არც გთხოვ არაფერს
 ამ სამსახურში მე გულ-წმინდაო!
 მოწმეთ მყავს ღმერთი
 მე მხოლოთ ერთი—
 შენი მოყვრობა გულით მინდაო!“
 ცხვარს რომ ეს უთხრა,
 თავი დაუკრა
 და ისე ჩქარა წავიდა შინა,
 რომ იმ საწყალ ცხვარს,
 მის სიტყვით დამტკბარს,
 თითქმის მადლობაც არ ათქმევინა.
 დარჩა მარტო და
 ამას ამბობდა
 ცხვარი: „ეს მეღა სით გამიჩნდაო!
 ბევრიც უვლია,
 შორეულია,
 ჩემთვის რა აქვსო იმას სადაო!
 როგორც ეტყობა,
 ჩემი მოყვრობა
 მას გულითა სურს, უზაკველადო.
 მაშ დამტკიცოს,
 მტრისგან დამიცოს,
 ომი გამართოს მტრებთან ველიდო;



და მაშინ მეცა,
 მოწმეთ მყავს ზეცა,
 რომ არ დაფრჩხები უმადურიო:
 კარსაც გაუღებ,
 ტკბილათ მივიღებ,
 რომ ნახოს ჩემგან სამსახურიო.
 რა გადასწყვიტა
 ეს, შინ მივიდა,
 კრავებს უამბო, უმახარობლა.
 და იმავ დღიდამ
 ყოვლის ეუთხიდამ
 მისმა ნათელმა დღემ მოიღრუბლა!..

თ ა ვ ი

VII

დადგა ზამთარი.
 მგელი, გამზღარი,
 ტურა და დათვიც იერიშითა
 მოადგენ ციხეს,
 კრავებმა ნახეს
 და გაიკმიდეს მათ ხმა შიშითა.
 მაგრამ ამავე დროს,
 კუდს და საზაროს,
 პირობისა მებრ მოვიდა მელა,
 თან მოჰყვა მურა,
 დასძახა: „ურა!“
 და წაიფრინა წინ მტრები ყველა.
 დათვი აბლაღელეს,
 ტურა აქყაღელეს,
 მგელი გაბერეს, როგორც რომ გუდა!..
 და ვით სარდალი,
 მხნე და შართალი,
 ისე მოიქცა აქ მელა კულა.

უბრძანა მურას:
 „ნუ მზოგავ ნურას,
 რაც გინდა, მთხოვე, აგისრულებო!
 და მართებელათ
 მე უეჭველათ
 ამ საცხვარეთში შენ გიგულებო.
 მაგრამ კი ჯერე
 მე დამიჯერე:
 ფარისევლურათ და ფრთხილათ ვიყოთ,
 რომ არ შეგვიტყოს,
 ცხვარმა რო გვკითხოს,
 ჩვენი ჰაზრები და გავაბრიყვოთ:
 კარი გაგვიღოს,
 ჯერ შინ მიგვიღოს,
 ცოტა ხანს ვიყოთ ჩვენც, ვით სტუმარი,
 და შერე, როცა
 ხელთ ვიგდოთ დროცა,
 გავკრიკოთ ჩვენი ცხვარი ხუმარი.
 თუ იუაროს,
 არ მოგვეკაროს
 და არ მოტყუედეს ჩემი ტკბილ-ენით,
 მაშინ შენ მალე
 გადუბრიალე
 თვალები რისხვით, მუქარით, ღრენით!
 რომ მაშინ შიშით,
 ვაგლახით, ვიშით
 ენა ჩავარდეს, ჩაიწყვიტოს ხმა
 და ვითომც ნებით,
 ძალ-დატანებით
 სამარადისოთ ვახდეს ჩვენი ყმა.
 ეს რომ დააწყევს,
 საქმეც დაიწყეს:
 დიდ მოწიწებით მიდგენ ციხის კარს

და სიხარულით,
 ვით მართლის გულით,
 გამარჯვებასა ულოცავდენ ცხვარს.
 მოტყუვდა ცხვარი,
 გაალო კარი
 და შეიყვანა ციხეში მელა.
 იმას თან მურა
 შეჰყვა შეფ-ყურა
 და გაიზმორა სიამით ნელა.
 ცხვარმა მაშინა
 გამოიჩინა,
 რაც კი შეეძლო მის მასპინძლობა.
 და მელა კუდამ,
 ეშმაკის გუდამ,
 ნაცვლით შემდგვი უთხრა მადლობა:
 „გმადლობო, ცხვარო,
 შენ უწყინარო,
 თავს რათ იწყუხებ მასპინძლობითო?!
 შენ ველარ შეძლებ,
 მე ვიმასპინძლებ,
 და შენც ქირაში ყოველ წლობითო
 მიხადე მადლი,
 მაძლიე მატყლი
 ერთი საჩოხე, საპაიკეო
 და მით მშვიდობა
 და ჩემი ნდობა!
 მონის საფერათ მიინიკეო
 ბევრს ნულა ფიქრობ!
 რალას აპირობ?
 სიამ-ტკბილობა სჯობს იხმაროო,
 რომ ბოლოს ძალით
 ორივე თვალით
 არ იტირო და ცრემლი ღვაროო!“

შეძრწუნდა ცხვარი,
 გულს ჰკრეს ლახვარი!..
 მაგრამ რაღა ღროს? რაღას იზამდა?
 მელა კულურა
 და მასთან მურა,
 რომლებიც წელიან მეგობრათ რწამდა,
 მრისხანე ძალით,
 თვალის ბრიალით
 უღრენდენ და თანც იღესდენ კბილებს!..
 და მაშინ ცხვარმა,
 შიშით შემკრთალმა,
 ცრემლით ურჩია საბრალო შეილებს:
 „აწ კი გვიმართებს,
 ამ მინდვრებს და მთებს
 გამოვეთხოვოთ — მონა ვართ მელის...
 გვაწვეს ღვთის რისხვა,
 სანამ აწ ჩვენ სხვა
 არ გამოგვიხსნის და არ გვიშველის...
 ვმონოთ ჯერ შავ ბედს,
 ნუ ვკარგავთ იმედს;
 სოფელი ბრუნავს აღმა და დაღმა.
 რომელმაც ჩვენა
 არ მოგვასვენა, —
 ეგებ დაჰგლიჯოს მელაც იმ ძაღლმა.
 და ჩვენც მაშინა...
 ჩუ! შემაშინა
 რაღაც ჩვენებამ ამბობს: „ფრთხილადო!
 ჯერ მსხვერპლი უნდა,
 უმანკო, წმინდა
 განსაწმენდელი შეილის-შვილადო!“
 ეს რა წარმოთქვა,
 ყელს შეიბა ქვა
 ნიშნათ მონების... დადუმდა ცხვარი,

ძირს თავ-დახრილი!..
 იწყო ტირილი
 დღესაც არ შრება იმას ცრემლთ ღვარი!..
 იმ არე-მარეს,
 ჩაგრულს, მწუხარეს
 გულ მოსაკლავით რწყავს ის ცრემლთ ღვარი...
 და რომ შეაშროს
 ის ცრემლი ერთ დროს,
 მისთანა გმირი ჯერ არსად არი...

აკაკი.





ს ი ზ მ ა რ ი

ვ. კ. შ.

სიღორ სიკხადით გულ-დაჩაგრულსა,
ძილში მელირსა ტკბილი სიზმარი:
ენახე, რომ ქვეყნად ჩამოსულიყვენ
ნინო, ქეთევან და თვით თამარი.

თამარს თავს ედგა ძლევის გვირგვინი
და ქეთევანსა—წმინდა მოწმობის;

ნინოს ხელთ-ეპყრა ჯვარი ვაზისა,
 ნიშანი დიდი ქრისტიანობის.

ზეცად ეპყრათ სამთავეს თვლი,
 საქართველოსკენ იშვერდენ ხელსა
 და შეერთებით, ხმა-შეწყობილად
 ჰგალობდენ ტკბილსა საგალობელსა:

„დედაო მღვთისავე, შენი მშვედრია
 ეს საქართველო დიდ-ქირ-ნახული,
 შეუნდევ ცოდვა, ნუ ააღებ ხელს,
 ღმობიერებით იბრუნე გული!“

მოეც კურთხევა ზეცით, მაღალო,
 და ვადმოსახე ძლიერად ჯვარი,
 რომ აღადგინო ქართველი დედა,
 დღეს დაცემული და ცოცხალ-შვედარი!

მისსა მხნეობას, მისსა ზნეობას
 გაუმტკიცებდე აღმა-ფრენასა
 და შენს საქებრად, სადიდებელად
 ნუ დაუკარგავ იმ ტკბილ ენასა,

რომლითაც თამარ ბრძანებას სცემდა,
 ქეთევან მარად შენ გადიდებდა
 და ნინო ძისა შენის მცნებასა
 შენგან რჩეულ ერს უქადაგებდა!“

აკაკი





მმრჩლნსა და ჭიჭვანის ომი

გაზაფხული დადგაო,
ხეში წყალი ჩადგაო;
ჩიტმა ჩიორამაო
საძირკველი გასკვნაო!

ნათქვამია არაკად, მართლაც, დადგება თუ არა გაზაფხული, ზამთრისაგან გაბრუებული და მითვლემული ბუნებაც სულს იბრუნებს, იღვიძებს. მაშინ აბიბინდება, აჰყვავდება მდგლო, ტყე მწვანით იმოსება, საამო და გრილი ნიაფი, თითქოს ნანინას ეუბნება, ისე აკვანივით არწევს ხან იქით და ხან აქეთ აკოკრებულს და ტურფად გაშლილს, სუნნელების აღმომაფშვენ ყვავი-

ლებს; იტაცებს მათს არომატს, უხვად მოჭფანტავს მათ არე-მარეს და მით კეთილი შეზაფხებული ჰაერი სამკურნალოდ, სამკვირცხოოდ მოკმედობს ყოველ სულდგმულზედ. აი, ამ დროს იწყებენ სხვა და სხვა გვარი ჩიტები ჭიკჭიკსა და ბუდეების კეთებას, და იმაზედ არის ნათქვამი, რომ „ჩიტმა ჩიორამაო საძირკველი გასკვნაო“ ე. ი. ბუდის კე-



თება დაიწყოს! დიად, ჩიტები იწყებენ ბუდობას ზოგჯერ უფრო და ზოგი უფრო გვიან; დაგვიანებული ბუდობა უფრო უცხო ქვეყნებითგან მოფრენილმა ჩიტებმა იციან, მაგალითად: გუგულმა, მერცხალმა, მწყერმა, მწითობელამ და სხ... ადგილობრივთ ჩიტებს კი არ უყვართ დაგვიანება: შაშვს, გვრიტს, სკვინჩას, მესკიას, ქივქავს, კოდარას, ჩხართეს, გულ-წითელას, ბოლო-ქანქალს, თობი-ტარას, მწყერ-ჩიტას და სხ...

მაგრამ ამ ჩიტებშიაც შაშვს ვერავინ დაასწრებს: ყველაზე უფრო ადრე ბარტყების გამოჩენა იმან იცის, ასე რომ ნახალწლევს ბევრს აღარ აგვიანებს და, თავის ბედით კმაყოფილი, ამ დროთგანვე იწყებს ხოლმე სალამურის ხმით სტვენას.

ძველად ჩვენი მამა-პაპები კარგად, ლამაზად საუზმეს მიერთმევდნენ, თანაც რამდენიმე ყანწ ღვინოს გადაჰკრავდნენ ხოლმე და მერე გამოდიოდნენ სახლიდამ გარედ სამუშაოდ. „მშიერი კუქი მხდალია და შაქლარს კი არაფრისა ეშინიაო“ — იტყოდნენ ხოლმე.

ეს აზრი ყველასათვის აუცილებელი კანონი იყო, მაგრამ პატარა ყმაწვილები-კი ხან-და-ხან არ ასრულებდნენ ამ დიდების ანდერძს: ისინი უფრო თავის გულის-თქმას მისდევდნენ და ხშირად, დილ-დილაობით რომ გამოეღვიძებოდათ წამოდგებოდნენ თუ არა ლოგინიდამ, ისაროვით გავარდებოდნენ ხოლმე გარედ ხელ-პირ დაუბანელად და უზმად.

ამისთანა გაუგონარ ბავშვებს დედები და გამძლეები ეტყოდნენ ხოლმე: „უიმე, შვილო, სირცხვილია, ჩიტმა რომ უზმად გნახოს და გაჯობოსო. მერე, თუ უცხო ქვეყნიდამ პირველად მოფრენილია, მაგალითად: მერცხალი, გუგული და სხ... მაშინ ხომ სულ თავი მოგეკრებაო! ადე მალე, ხელ-პირი დაიბანე, ჩაიცივი, ილოცე ისაუზმე და ისე გადი გარედ, და თუ ჩიტი შეგხვდეს, მიაყვირე: „მიჯობნია! მიჯობნია-თქო!“ ამ გვარად, უმანკოდ მოტყუებული პატარა ბავშვები, ასრულებდნენ უფროსების ნებას.



ამ გვარ ყმაწვილებთაგანს ეკუთვნოდა პატარა რომელიც ყოველთვის სკდილობდა უფროსების რჩევის დაჯერებას და მათის სურვილის ასრულებას, და ძალიან დიდ ცოდვადაც მიიჩნდა უზმად ჩიტის შეყრა. და მართლაც, ძვირად, ძვირად მოუხდებოდა, რომ ჩიტს ის უზმად ენახა, დაესწრო მისთვის და მითი ეჯობნა.

ერთს ვახაფხულის დილას, გულის ძილში რომ იყო, ისე წამოვარდა უცბად დათიკო და დაიყვირა: „არ მიჯერია! არ მიჯერიაო!“ ყველას ეგონა, თუ დათიკო სიზმარშია და ბოდავსო, მაგრამ არა. იმას თურმე ჩაესმა ყურში მერცხლის ჰიკჰიკი, და მართლაც, იმ დილას, პირველად მოფრენილიყო სახლში და ჰიკჰიკობდა. „არ მიჯერია! უჯეროა, უჯეროა!“ ჰყვიროდა დათიკო „ჯობნა შინ კი არ უნდა, გარედ უნდა!“ უცბად წამოვარდა ზეზედ, დაიბანა ხელ-პირი, ჩაიკვა, ილოცა, ისაუზმა და ისე გავიდა გარედ, და მერცხალიც რომ იქ გამოფრენილი ნახა, სიხარულით მიიძახა: „დავასწარი! მიჯობნია შენთვისო!“ ის მერცხალი ყოველთვის, როცა კი ვახაფხულის პირზედ მოფრინდებოდა ხოლმე სულ იმ სახლში, ისევე ძველ ნაბუდარზე იკეთებდა ბუდეს, და დათიკოს ძალიან უყვარდა: „ჩემი ჩიტუნიაო,“ იტყოდა ხოლმე აღერსით.

პატარა მოყვარე სიამოვნებით უყურებდა მერცხალს, როდესაც იმას ტალახი მოჰქონდა და თან-და-თან იშენებდა ზრდიდა თავის ბუდესა. ბოლოს, როცა იქნა, მერცხალმა გაათავა ბუდე და ჩაჯდა შიგ კვერცხების მოსაწყობად. დათიკო ხშირად ათვალთვრებდა ხოლმე. ერთ დღეს მოვიდა და ნახა. რომ მერცხლის ბუდეში ჰივქავი (ბელურა) იჯდა და საწყალს მერცხალს აღარ უშვებდა თავის ბუდეში. მოვიდოდა თუ არა მერცხალი ბუდეზედ, ჰივქავი გამოყოფდა ხოლმე თავს და ჰკორტნიდა საბრალოს. ბევრი იქყვილა მერცხალმა და რომ მიინც ვერა გაარიგა რა ბოლოს, სადღაც გაფრინდა თავისთვის. ჰივქავი მაინც ბუდეში იჯდა და გამარჯვებულად გადმოჰყოფდა ხოლმე თავს.

რამდენიმე ხნის შემდეგ მოფრინდა მერცხლის გუნდი, თვითოეულს მათგანს ტალახი მოჰქონდა და თვალის დახამხამებამდის ასე ამოამსეს და წაჰგლისეს ბუდე, რა ჰივქავი თუ არ გამოფრენილიყო, გამოიღრჩობოდა ბუდეში. გამარჯვეს მერცხლებმა, მაგრამ მოკლე იყო მათი სიხარული და ჰიკჰიკი.



მოიყვანა ჭივჭივმაც გუნდი ჭივჭივებისა. შეეკნინებოდა
 ლა ამ ორს სხვა-და-სხვა გუნდს, და ისე დაუნგრია ჭივჭი-
 ვებმა ბუდე მერცხალს, რომ ნაბუდარიც აღარ სჩანდა. და-
 თიკომ ყოველივე ეს თავს თვალით ნახა, და როდესაც მამას-
 თან მივიდა, დაწვრილებით უამბო ეს ამბავი.

— ბოროტი და საძაგელა ყოფილა ჭივჭივი, თორემ რას
 ერჩოდა საწყალს მერცხალს, რომელიც თავისთვის იყო, და
 რად უნგრევდა ბუდესაო? — ჰკითხა მამას.

— არა, შვილო, ხშირად ის არის მართალი, ვინც ჩვენ
 მტყუანი გვგონია, და მტყუანი კი მართლად მიგვაჩნია!.. აი
 ახლაც: შენ ჭივჭავს ამტყუნებ, მაგრამ, ჩემის აზრით, გა-
 სამტყუნარი არ არის. რიგიანად მოქცეულა. ჭივჭივი აქაუ-
 რია, მერცხალი კი აქ ბუდეს გაიკეთებს, ბარტყებს გამოზრდის,
 თავს გამოიკვებს და მერე გაუდგება გზას სხვა ქვეყნისკენ, და
 შიტომაც ეჯავრება ის აქაურ ჭივჭავსაო! — უპასუხა მამამ.

— ეგ მაინც ბოროტება არის, განაგრძო დათიკომ, თო-
 რემ რა ენაღვლება, მერცხალმა აქ ბუდე გაიკეთოს? ადგილი
 ბუდისათვის საკმაოა, როგორც ერთისათვის, ისე მეორისთვის,
 და მაშ მით რა წაუზღებდა ავ-გულ ჭივჭავსო? — აქ კიდევ სხვა
 ანგარიშია, შვილო, წასჩურჩულა მამამ: აქ საზრდოსთვის
 იბრძვიან. როგორც ჭივჭივები, ისე მერცხლებიც ბუზებსა და
 ჭია-ქუებს იჭერენ, მითი იკვებებიან და, თუ აქ მერცხლები
 გამრავლდენ, მაშინ ჭივჭივებს საზრდო გამოელევათ... ამ
 სიტყვებზედ დათიკო ღრმად ჩაფიქრდა, ამოიოხრა და სთქვა!
 მართალს ამბობ. ქვეიანი ყოფილა ჭივჭივი!

აკაკი





მიჯაჭვეული ამირანი



ავკასიის ქედზე იყო
ამირანი მიჯაჭვეული,
ყვავ-ყორანი ეხვეოდა,
დაფლეთილი ჰქონდა გული...

ქვეყნად ცეცხლის მოტანისთვის
გულს ცეცხლი არ ნელდებოდა
და რაღაცა მანქანებით
გული ისევ მთელდებოდა.

ჰქონდა ქირში მოთმინება,
არც კენესოდა, არც ოხვრიდა..
უსამართლო ძლიერებას
მონურად ქედს არ უხრიდა!...


ბოლოს მაინც გამარჯვება
დარჩა, ყველა გააოცა!
და ის ღვაწლი მაგალითად
მიწის შეილთა მან გადმოსცა.

კავკასიის მაღალ ქედზე
მიჯაჭვეული ამირანი
არის მთელი საქართველო
და მტრები-კი ყვავ-ყორანი.

მოვა დრო და თავს აიშვებს,
იმ ჯაქვს გასწყვეტს გმირთა-გმირი,
სიხარულად შეეცვლება
ამდენი ხნის გასაჰირი!

აკაკი





პარლი და ეკალი



რთს ღირიბს, მაგრამ წმინდა ქობში სცხოვრებდა ქვრივი დედა-კაცი ათის წლის ვაჟით. მოყვარულს დედისათვის ამა სოფლის ნეტარება იყო დასახლება მისი გიორგისა, და მართლაც, პატარა გიორგი ღირსი იყო ამ გვარი სიყვარულისა!

ზოგიერთ ყმაწვილს ურჩობა, ღინიანობა, ცელქობა და სხვა ამ მგვარი რამ უზნეურობა საქებად მიაჩნია. მაგრამ გიორგი კი ამ გვართაგანი არ იყო: იმან კარგად იცოდა, რომ დედა მისი ცუდს არაფერს ურჩევდა და, არა თუ ემორჩილებოდა მის ნებას, თითქმის თვალეზში შესცქეროდა და იმას სცდილობდა, თუ რა მოვაწონო და რით ვასიამოვნოო!

რადგანაც ჯერ პატარა იყო, ამის გამო მწყესობის მეტი არა შეეძლო რა, და იმას კი რიგიანად ასრულებდა. სამწყესურში ცხვრებსაც კარგად უფლიდა და გულის საჯეროდაც ბურთაობდა თავის ტოლ-ამხანაგებში, სადაც ხან ბურთაობდენ, ხან რიკაობდენ, ხან მალულობას თამაშობდენ და ხან ძერა-კუდაობასა.



პატარა გიორგი მისთანა საყვარელი იყო თავის ამხანაგებისა და თანაც მისთანა მარდი, რომ თამაშობის დროს, როდესაც მწყემსები ორად გაიყოფოდნენ, არჩევანის დროს პირველად გიორგის მივარდებოდნენ ხოლმე.

სალამობით, როდესაც ცხვრებს მორეკდა სახლში, დალალული ჩაუდებდა ხოლმე დედას კალთაში თავს და ხან მთისას ეკუთქუებოდა, ხან ბრისას მისგან აღტაცებაში მოსულ დედას. ხანდახან ძილიც მოესწრობოდა დედის მკერდზედ მიყრდნობილს, და მაშინ დედა მისი სიფრთხილით, რომ არ გამოაღვიძოს პატარა მისი ნუგეში, თითქმის სულთქმასაც კი იკავებდა, დააჩერებოდა ხოლმე სახეზედ, ხან გაიღიმებდა და ხან წამწამებზედ კურცხალი გადმოეკიდებოდა. ვინ იცის, რას ჰფიქრობდა მაშინ საწყალი დედა! მაგრამ ის კი ცხადი იყო, რომ იმ დროს მისი ფიქრები მხოლოდ პატარა მძინარას ეკუთვნოდნენ.

ერთს სალამოს, როგორღაც მოწყენილი დაბრუნდა სამწყესურიდამ გიორგი. დედა მისმა შენიშნა ეს და მიზეზი გამოჰკითხა.—ხომ არავის გაულახავხარ, შვილოო? —გალახვას ვინ რას მერჩოდაო, მიუგო შვილმა, მაგრამ მე ის მაწუხებს, რომ ყველა უხერხულის შვილს მეძახის, და რა მიზეზია ეს, თუ არ გავიგე, არ შეიძლებაო. მით უფრო, რომ, რამდენადაც შენგან ვამიგონია, მამა-ჩემის ნამდვილი სახელი თედორე აყო.—ამ სიტყვაზედ დედა მისმა ამოიხვნეშა, ჩაისვა კალთაში შვილი და მოუყვა მარცვალ-მარცვალ, თითო კაკალად შემდეგი:

— ყოველი კაცი განსხვავდება პირუტყვებისაგან ზნეობის უზენაესობით, რომელიც უმეტეს ნაწილად სინიდისში გამოცხადდება ხოლმე. მაგრამ თუ კაცმა ზნეობითი მხარე დასწავრა როგორმე და სინიდისი წაიწყმიდა, მაშინ ის ყოველ პირუტყვებელს უპირუტყვესი შეიქნება ხოლმე. ხშირად, როგორც უკიდურესი უბედურება, უკიდურესი ბედნიერებაც აბრძვეებს კაცს, უბნევს სწორ გზას და მიჰყავს ზნეობით და-

ცემამდე, ზნეობის დაკარგვასთან გაპყვება ხოლმე მზგავსება და ხატება, რომლითაც კაცი უპირატესობს სხვა ცხოველებზე ..

ამ გვარ კაცთაგანს ეკუთვნოდა მამა-შენიც. ის თავის პირადობას და კერძო ბედნიერებას საზოგადოს სწირავდა. ხშირად იტყოდა ხოლმე: „საზოგადო უბედურების დროს კაცი არ უნდა ეძებდეს კერძო თავის ბედნიერებას. თუ ჩემ გარე-შემო ყველანი შშიერი იქნებიან, მაშინ გემრიელი საქმელიც უგემურად ჩაეა ჩემს პირშიო. ერთი ყველასთვის და ყველა ერთისთვისაო“... ამ გვარი აზრის და მოქმედების კაცი, რასაკვირველია, პირადად ვერას შეიძენდა, მარად ღარიბი იყო, უხარისხო. ჩვენს ხალხს და ჩვენს მეზობლებს, რომლებსაც ანდაზადა ჰქონდათ ბოდბელის არაკი: „თუ მე არ ვიქნები, ქვა-ქვაზედაც ნულარ ყოფილაო“! — ახირებულ კაცად მიიჩნდათ მამა-შენი, დასცინოდენ და გააკიცხვითაც დაარქვეს „უხერხული“.

ღმერთმა ხომ იცის, რომ ჩემს ქმარს ბოროტი არაივითვის არ უქნია, მაგრამ ყველასა სძულდა, რადგანაც არ ეპრიანებოდათ მისი გამბედაობა, თავ-მოუხრელობა და პირდაპირობა. როგორც გველს ეჯავრება გოგირდის სუნი, ისე მეზობლებს ეჯავრებოდათ მამა-შენი. ეს იცოდა იმ ცხოვრებულმა. მაგრამ ასე იტყოდა ხოლმე: „მე კი სინიდისი წმინდადა მქონდეს და ვინც რა უნდა სთქვასო; ფიქრი არ არის, ვერას დამაკლებენო, თუ სიმართლე ჩემსკენ არისო“. ასე ამბობდა, და ის კი არ იცოდა საბრალომ, რომ ბოროტი კაცი მისგან ამორჩეულ სამსხვერპლოს მართა სიტყვას არ აკმარებს და საქმითაც გამოიმეტებს ხოლმე. ყველაზე უფრო ის ეჯავრებოდა ერთს კაცს, რომელიც საზოგადოების დაჩაგვრით ამალღდა, რომელსაც, ბედნიერებისაგან გაამაყებულს ვერავინ რასმეს უბედავდა. მაგრამ მამა-შენმა კი ბევრჯერ იკვნეტია თითი მის მოსისხარ მღვენელს. „ვისაც ჩემი შორიდება გაქვსთ და ჩემი რამე გწამსთ, მაგ საძაგელ კაცს ნუ მიეყარებით,

ნურც ავად და ნურც კარვადო! — ეუბნებოდა, ვისაც კი შეხვდებოდა დიდი კაცი.

სულ-დაბალი, მუცელ-ღმერთა კაცი, მდიდრის პურმარილზედ გაწუწკებული, რასაკვირველია, ძალა-უნებურად განზე უდგებოდა მამა-შენს ყოველ შემთხვევაში. და ხშირად, თუ კი მოახელებდნენ როგორმე, აქაო და დიდ-კაცს ვასიამოვნოთო, სდევნიდნენ საბრალოს!

მართალია, უკიდურესობაში ჩაეარდა საბრალო თედორე, სიღარიბე კისერზედ დააწვა, მაგრამ მაინც აღარ გადუხვევია ერთხელვე დამდგარ სწორი გზისგან.

ავად რომ გახდა, ჩემს მეტი მომვლელი არავინა ჰყოლია, წამლის ფასი არა გვეჭონია სახლში და, ასე ვასინჯე, რომ შიმშილმაც მოგვისწრო. ისე მოჰკვდა ის განათლებული, რომ მის პირს ბრავისზედ არაფერი საყვედური არ წამოსდდენია. სიკვდილის წინ-დღეს მხოლოდ შენ მიგიკრა გულზედ და დაგლოცა: „ღმერთო ამას უკეთესი ბედი მოასწარიო!“ და მიიძინა საუკუნოდ.

აქ ქვრივმა ცრემლები გადმოჰყარა, ამოიხენეშა, მოიწმინდა თვალები და განაგრძო:

— შეზობლებს მისი სიკვდილი არაფრად სწყენიათ საზოგადოდ, მაგრამ ამათშიაც გამოჩნდა ორიოდე ღვთისნიერი კაცი, გაუთხარეს საფლავეი, მიიტანეს სასაფლაოზედ და სასხვის-შვილოში ჩაჰფლეს. არც საფლავეის ქვა მისთვის და არც მოხსენება — ეს ცბრა წელიწადია! გაიარა რამოდენიმე ხანმაც, დიდი კაცი გარდაიცვალა. გამოჩენილად იტირეს და დაასაფლავეს, საფლავეზედაც მარმარილოს ქვა დაადვეს ზედ-წარწერილი...

— რომ მივიდე, მე შემძლიან მივაგნო, რომელია მამაჩემის საფლავეი და რომელია მისი მტრის, დიდი კაცისა? — ჰკითხა შვილმა.

— ადვილიაო, მიუგო დედამ: რომ გახვალ იმ სასაფლაოზედ, ერთი საფლავეი მარმარილოს ქვით დაბურულია, მაგრამ



ყოველს კუთხით კი ზედ ნარ-ევალი ამოსულა და მისი მხარე
 ყები ჰბუდობენ, მეორე კი უსაფლავის-ქვოა, მაგრამ ზედ ვარ-
 დებია ამოსული, სადაც გაზაფხულობით ბუღბუღები ბუდეს
 იკეთებენ ხოლმე, და ხშირად, ღამით გამეღვლეებს ესმისთ
 ერთის მხრით, როგორ სტვენს ბუღბუღი, ვარდზედ შემომ-
 ჯდარი, სასიამოვნოს ხმით და, იმავე დროს, მეორეს მხრით კი
 საფლავის ქვაზედ შეცუსტული ბაყაყი საზარელის ხმით დაყი-
 ყინებს! პირველი უგალობს მამი-შენის საფლავს, და მეორე
 ზარს ეუბნება მის მტრის სამარეს!

— იცი, დედა, რასა მღერის ბუღბუღი და რასა ყიყი-
 ნებს ბაყაყი?

— მათი ენა არავის ესმის, მაგრამ აზრით ბევრს ეყუ-
 რება, და თვითონ შე გეტყვი რას ნიშნავს მათი ხმა. შე გე-
 ტყვი და მერე შენ ირჩიე, თუ რომელ მკვდართაგანს უნდა
 დაემსგავსო სიკვდილის შემდევ: სავარდ-ბუღბუღოს. თუ სა-
 გველ-ბაყაყ-საეკლოს?

ბუღბუღის სტვენა

ვით ამ წყვილია და ბნელსა არეს
 ანათებს მთვარე, სხივ მომფინარე,
 ისე აბრწყინდა ქველ-მოქმედებით
 ცხოვრების ბნელ გზას აქა მღებარე.

ვით ლაყვარლოვან ცაზედ კაშკაშით
 სჩნდება თან-და-თან ვარსკვლავთა კრება,
 ისე ბრწყინავდა მისი აზრები,
 ვინც ამ ბნელ საფლავს ქვეშ იფარება.

და ვით ეს ვარდი ნორჩი, კოკობე,
 ამო საქვრეტი, წმინდა, სუნნელი,

ისე რჩეული იყო მის გრძნობა,
 ვისაც აქ იცავს საფლავი ბნელი.

ვითა ბუღბუღი სტვენს მრავალ-გვარად,
 და შორს გაისმის მისი ვალობა,
 ისე უმღერებს ჩანგ-მომართვითა
 ამ გვარ კაცებსა ჩამომავლობა!

ვინც მოყვრებზედა მარად ჰფიქრობდა
 და სამშობლოსთვის უმგერდა გული,
 მისი სახელი უკუნისამდე
 იყოს მაღალი და კურთხეული!

ბაყაყის ყიყინი.

გველ-ბაყაყის ბუდე იყო
 სიკოცხლეში მისი გული,
 ვისიც გვამი, დაწყველილი,
 დღეს აქ არის დამარხული.

ქვრივ-ობრების დამჩაგვრელმა
 არ იცოდა ქვეყნად მადლი
 და მოყვრებსა ისე ჰხრავდა,
 ვით საფლავის მას ჰხრავს მატლი.


აზრებით მტრედს, ძმის დამჩაგვრელს
 მრუდუდ ჰქონდა გზა და კვალი,
 და რაც სთესა სიკოცხლეში,
 ამოვიდა, ვით ეკალი.

და ვაი მას, ვინც ამ გვარად
 საუკუნოდ დაიძინა:

მის საფლავეში გველ-ბაყაყებს
და მატლებს აქვსთ მხოლოდ ბინა.

იმას დაჰგობს შემდეგი ღვმა,
შეაჩვენებს და დასცინებს,
და სახსოვრად საუკუნოდ
მას ბაყაყი უყიყინებს!

აკაკი



გამოცანები აკაკისა

არა სკამს, მხოლოდ წყალსა სვამს,
გულხარბი ყოვლის მზრითაო;
თუ ხელი ვინმემ მოჰკიდა,
იტირებს ცრემლის ღვრითაო.

ოცდა თორმეტი ძმები ვართ,
როდესაცა ვართ სრულადო,
გვერდში უღგავართ ერთმანეთს
მხარს ვაძლევთ მეგობრულადო;
და ვაი იმის სიმართლეს,
ვისაც შევხვდებით მტრულადო.

არც ისმება, არც იკმება,
არც ხელით დასაჭერია,
თითონვე ასმევს და აკმევს
კაცისთვის ყველაფერია.—



რ ე ბ უ ს ი



ბი
ბ



ბ



ბი
ბუ



ბ



ნაცვლითი
სახელი.



ბუ



ბუ



ბ



ბ





ნ

დღედი შე-
ნის ქალი-
შვილი.

შედი



შ



შ

შ



100' მ



შ





მიიღება ხელის მოწერა

1908 წლის იანვრიდან 1909 იანვრამდის.

საუმაწვილო სურათებიანი ჟურნალი

ნაკადული

(წელიწადი მეოთხე)

წლიურ ხელის მომწერლებს მიეცემათ:

24 წიგნი ჟურნალი „ნაკადული“ მკირე წლოვანთათვის **12** წიგნი ჟურნალი „ნაკადული“ მოზრდილთათვის.

ხელის მოწერა მიიღება:

- 1) „ნაკადულის“ რედაქციაში, გოლოვინის პროსპ., ზუბალოვის სახლ., № 8, ყოველ-დღე 9—2 საათ., სამშაბათობით საღამოთიც.
- 2) წერა-კითხვის გამავრცელებელ საზოგადოების წიგნის მაღაზიაში, სასახლის ქუჩა, სახლი თავად-აზნაურობისა. წლიურად ფასი ჟურნალისა დამატებით, ესე იგი 36 წიგნისა რჩება ისევე მანეთი.

ნაკადულის რედაქცია სთხოვს ხელის-მომწერთ:

ვისაც ჟურნალის ნომრები დააკლდება, მიმართონ აგენტს ანუ რედაქციას.

ვინც მასალას გამოგზავნის დასაბეჭდათ ეთხოვთ გარკვევით და სუფთად იყოს დაწერილი.

რედაქტორი: მ. ი. დემურია.

გამომცემელი: თავ. პ. ი. თუმანიშვილი.